

BOSNA I HERCEGOVINA
TUŽILAŠTVO BOSNE I HERCEGOVINE
SARAJEVO

INFORMACIJA O RADU

2011



KRALJICE JELENE 88 - SARAJEVO
Tel:033 707 100 - E-mail: info@tuzilastvobih.gov.ba

SADRŽAJ

SADRŽAJ	2
1. UVOD	4
1.1. ZAKONSKE PRETPOSTAVKE ZA IZRADU OVE INFORMACIJE	4
1.2. OSNOVNE INFORMACIJE O TUŽILAŠTVU BOSNE I HERCEGOVINE.....	4
1.3. UNUTRAŠNJA ORGANIZACIJA	6
1.3.1. UVOD	6
1.3.2. RUKOVOĐENJE	6
1.3.3. TUŽILAČKI ODJELI	7
1.3.4. UPRAVA.....	7
1.3.5. ŠEMATSKI PRIKAZ ORGANIZACIONE STRUKTURE	10
1.4. KADROVSKA OSPOSOBLJENOST.....	10
1.4.1. RUKOVOĐENJE	10
1.4.2. DOMAĆI KAPACITETI.....	11
1.4.3. PODRŠKA UREDA REGISTRARA	12
1.5. OZNAKE UPISNIKA.....	13
2. ODJELI TUŽILAŠTVA BOSNE I HERCEGOVINE	14
2.1. POSEBNI ODJEL ZA RATNE ZLOČINE (POSEBNI ODJEL I).....	14
2.1.1. ORGANIZACIJA POSEBNOG ODJELA ZA RATNE ZLOČINE.....	14
2.1.2. KADROVSKA STRUKTURA POSEBNOG ODJELA ZA RATNE ZLOČINE	16
2.1.3.1. DRŽAVNA STRATEGIJA ZA RAD NA PREDMETIMA RATNIH ZLOČINA.....	17
2.1.3.2. PREDMETI EKSHUMACIJA	19
2.1.3.3. SARADNJA SA TUŽILAŠTVOM MEĐUNARODNOG KRIVIČNOG SUDA ZA BIVŠU JUGOSLAVIJU (MKSJ).....	21
2.1.4. RAD NA PREDMETIMA	21
2.1.4.1. KT-RZ-PREDMETI.....	21
2.1.4.2. OSTALE VRSTE PREDMETA.....	23
KTA-RZ- PREDMETI	23
KTN-RZ PREDMETI	23
2.1.5. OSTALE AKTIVNOSTI TUŽILACA.....	24
2.1.6. SPECIFIČNI PROBLEMI U RADU POSEBNOG ODJELA ZA RATNE ZLOČINE	25
2.2. POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU (POSEBNI ODJEL II).....	26
2.2.1. STRUKTURA KRIVIČNIH DJELA U PREDMETIMA POSEBNOG ODJELA II	28
2.2.2. OSTALE VRSTE PREDMETA	30
2.2.3. SPECIFIČNI PROBLEMI U RADU POSEBNOG ODJELA II.....	32
2.3. ODJEL III.....	33
2.3.1. KADROVSKA STRUKTURA.....	33
2.3.2. RASPODJELA PREDMETA.....	34
2.3.4. ZAPRIMLJENI PREDMETI, PREDMETI U RADU, KAO I OKONČANI PREDMETI.....	37
2.3.4.1. KT PREDMETI	37
2.3.4.2. KTA PREDMETI	40
2.3.4.3. KTZ PREDMETI	41
2.3.4.4. KTM PREDMETI.....	41
2.3.4.5. KTN PREDMETI.....	42
2.3.4.6. A PREDMETI.....	42
2.3.4.7. UKUPAN RAD NA SVIM PREDMETIMA	42
2.3.5. OSTALE AKTIVNOSTI	43
2.3.6. SPECIFIČNI PROBLEMI U RADU.....	44

3. UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA.....	45
4. DRUGI VIDOVI DJELOVANJA	53
4.1. UVOD	53
4.2. DJELOVANJE KABINETA GLAVNOG TUŽIOCA.....	53
4.3. AKTIVNOSTI NA RAZVIJANJU MEHANIZAMA SARADNJE SA AGENCIJAMA ZA PROVOĐENJE ZAKONA	54
4.4. AKTIVNOSTI NA JAČANJU KAPACITETA ZA BORBU PROTIV VISOKOTEHNOLOŠKOG KRIMINALA.....	56
4.5. AKTIVNOSTI KROZ UDARNU GRUPU ZA BORBU PROTIV TERORIZMA I JAČANJE SPOSOBNOSTI ZA BORBU PROTIV TERORIZMA.....	57
4.6. AKTIVNOSTI KROZ UDARNU GRUPU ZA BORBU PROTIV TRGOVINE LJUDIMA I ORGANIZOVANE ILEGALNE IMIGRACIJE.....	58
4.7. AKTIVNOSTI KROZ UČEŠĆE U RADU TIMA ZA PRAĆENJE I OCJENU KRIVIČNIH ZAKONA BOSNE I HERCEGOVINE	60
4.8. AKTIVNOSTI U OBLASTI ODNOSA S JAVNOŠĆU	61
4.9. AKTIVNOSTI KROZ OBAVEZNU EDUKACIJU	61
4.10. AKTIVNOSTI KROZ OSTALE EDUKACIJE	64
5. FINANSIJSKI IZVJEŠTAJ ZA 2011. GODINU	67
5.1. IZVRŠENJE BUDŽETA ZA 2011. GODINU.....	67
5.2. PLANIRANJE BUDŽETA ZA 2012. GODINU	69
6. ZNAČAJNI PROBLEMI U RADU	71
7. PRIJEDLOZI ZA UNAPREĐENJE RADA U NAREDNOM PERIODU	72
8. STANJE KRIMINALITETA U BIH	77

1. UVOD

1.1. ZAKONSKE PRETPOSTAVKE ZA IZRADU OVE INFORMACIJE

Ova informacija izrađena je u skladu sa članom 13. Zakona o Tužilaštvu Bosne i Hercegovine ("Službeni glasnik Bosne i Hercegovine", broj: 24/02, 3/03, 37/03, 42/03, 9/04, 35/04, 61/04, 97/09). Osnova za izradu ove informacije je statistički pregled aktivnosti Tužilaštva Bosne i Hercegovine koji na kraju svake budžetske godine sačinjava glavni tužilac, a navedena informacija sadrži i pregled stanja kriminaliteta u Bosni i Hercegovini.

Dodatno uporište nalazi se u odredbi člana 10. Zakona o Tužilaštvu Bosne i Hercegovine prema kojoj ova institucija ima pravo i dužnost da, u okviru ostvarivanja svojih funkcija, na svoju inicijativu ili na zahtjev, izvještava državne organe Bosne i Hercegovine o svome radu i primjeni zakona Bosne i Hercegovine.

Također, na osnovu člana 11. stav 1. istog zakona, Tužilaštvo Bosne i Hercegovine obavještava javnost o pojavama i problemima od opšteg značaja koje je zapazilo u svome radu u skladu sa kojom odredbom će ova informacija biti objavljena na web stranici Tužilaštva Bosne i Hercegovine.

U narednim poglavljima dat je presjek ključnih informacija koje se tiču okolnosti u kojima je Tužilaštvo Bosne i Hercegovine ostvarivalo svoju funkciju u 2011. godini, kao i aktivnosti poduzetih i realiziranih u posmatranom periodu.

1.2. OSNOVNE INFORMACIJE O TUŽILAŠTVU BOSNE I HERCEGOVINE

Tužilaštvo Bosne i Hercegovine je osnovano Zakonom o Tužilaštvu Bosne i Hercegovine, kako bi se osiguralo efikasnije ostvarivanje nadležnosti države Bosne i Hercegovine, poštivanje ljudskih prava i zakonitosti na njenoj teritoriji te efikasnije suzbijanje kriminaliteta i jačanje vladavine prava. Odluku o proglašenju Zakona o Tužilaštvu Bosne i Hercegovine donio je visoki

predstavnik za Bosnu i Hercegovinu 06. avgusta 2002. godine. Navedeni zakon usvojen je u Parlamentarnoj skupštini Bosne i Hercegovine i objavljen u „Službenom glasniku BiH“ br. 42/03.

U svome radu, Tužilaštvo Bosne i Hercegovine djeluje samostalno kao poseban organ Bosne i Hercegovine, a otpočelo je sa radom 27. januara 2003. godine. Posmatrano u sklopu tužilačke organizacije Bosne i Hercegovine bitno je istaći da Tužilaštvo Bosne i Hercegovine nema ovlaštenja nad drugim tužilaštvima u Bosni i Hercegovini koja su organizirana u skladu sa postojećom političko-administrativnom organizacijom Bosne i Hercegovine. U odnosu na druga tužilaštva, tužioci Tužilaštva Bosne i Hercegovine mogu u konkretnim predmetima, koji su u nadležnosti Suda Bosne i Hercegovine a za koje je Sud Bosne i Hercegovine prenio vođenje postupka na druge sudove u Bosni i Hercegovini, davati potrebne upute.

Osnovna funkcija Tužilaštva Bosne i Hercegovine je postupanje u krivičnim predmetima iz zakonom propisane nadležnosti, i to:

- provođenje istrage za krivična djela za koja je nadležan Sud Bosne i Hercegovine, te za gonjenje počinilaca pred Sudom Bosne i Hercegovine, u skladu sa Zakonom o krivičnom postupku Bosne i Hercegovine i drugim primjenjivim zakonima,
- primanje zahtjeva za međunarodnu pravnu pomoć u krivičnim stvarima, u skladu sa zakonima, multilateralnim i bilateralnim sporazumima i konvencijama, uključujući i zahtjeve za izručenje ili predaju traženih osoba od strane sudova ili organa na području Bosne i Hercegovine i drugih država, odnosno međunarodnih sudova ili tribunala.

Osim navedenog, u djelokrug Tužilaštva Bosne i Hercegovine spadaju i različiti dodatni poslovi, koji se između ostalog tiču i izvještavanja o radu institucije, te informisanja javnosti o stanju kriminaliteta u Bosni i Hercegovini i tendencijama u njegovom kretanju.

Poslovi Tužilaštva Bosne i Hercegovine se vrše u skladu sa Ustavom i zakonima Bosne i Hercegovine, a u skladu sa Zakonom o Tužilaštvu Bosne i Hercegovine obavljaju ih glavni tužilac Bosne i Hercegovine, četiri zamjenika glavnog tužioca, te tužioci Bosne i Hercegovine.

Tužilaštvo Bosne i Hercegovine je nezavisno u svome radu, kako u odnosu na sve sudionike u krivičnom postupku, tako i u odnosu na državne i druge organe javne vlasti i međunarodne organizacije. Svaka radnja bilo koje komponente Tužilaštva Bosne i Hercegovine pri vršenju prava i dužnosti utvrđenih zakonom, predstavlja radnju Tužilaštva Bosne i Hercegovine. Sama struktura Tužilaštva Bosne i Hercegovine utemeljena je na hijerarhijskom načelu, koji

podrazumijeva odgovornost svih zaposlenika svojim rukovodiocima, i u konačnici, glavnom tužiocu Tužilaštva Bosne i Hercegovine (u daljem tekstu Tužilaštvo BiH ili Tužilaštvo).

1.3. UNUTRAŠNJA ORGANIZACIJA

1.3.1. UVOD

Osnovi unutrašnje organizacije Tužilaštva regulisani su Zakonom o Tužilaštvu Bosne i Hercegovine, a konačna unutrašnja organizacija utvrđena je Pravilnikom o unutrašnjoj organizaciji Tužilaštva Bosne i Hercegovine ("Službeni glasnik Bosne i Hercegovine", broj 31/10, 104/11). Pravilnik kao i njegove izmjene i dopune donosi glavni tužilac uz odobrenje Kolegija tužilaca i Visokog sudskog i tužilačkog vijeća Bosne i Hercegovine. Osim unutrašnje organizacije, istim se određuje i broj stručnog i administrativnog osoblja kao i uslovi za obavljanje poslova.

Organizacionu strukturu Tužilaštva karakterizira postojanje četiri osnovne organizacione jedinice, a to su tri tužilačka odjela u kojima su koncentrisani svi tužioci i uprava u kojoj je kroz više organizacionih podjedinica koncentrisano osoblje koje pruža različite vidove podrške radu tužilaca.

U organizacijskoj strukturi Tužilaštva postoje i Ured glavnog tužioca, Kolegij glavnog tužioca, Kolegij tužilaca, Kolegij tužilačkih odjela kao i Kolegij uprave, koji postupaju u slučajevima kada to propisuje Zakon o krivičnom postupku Bosne i Hercegovine ili Pravilnik o unutrašnjoj organizaciji Tužilaštva Bosne i Hercegovine.

1.3.2. RUKOVOĐENJE

Tužilaštvom rukovodi i predstavlja ga glavni tužilac Bosne i Hercegovine. Nadležnosti i ovlaštenja glavnog tužioca Tužilaštva propisani su Zakonom o Tužilaštvu Bosne i Hercegovine, te Pravilnikom o unutrašnjoj organizaciji Tužilaštva Bosne i Hercegovine.

U slučaju da je glavni tužilac odsutan ili spriječen da obavlja svoje poslove, mijenja ga jedan od zamjenika glavnog tužioca.

Pored glavnog tužioca, osnovnu rukovodnu strukturu Tužilaštva čine zamjenici glavnog tužioca i rukovodioci tužilačkih odjela kao i sekretar Tužilaštva.

1.3.3. TUŽILAČKI ODJELI

Unutrašnja struktura Tužilaštva odražava princip efikasnosti i koncentracije rada. U tom smislu, uspostavljeni su tužilački odjeli koji se bave isključivo procesuiranjem počinitelja krivičnih djela iz nadležnosti Tužilaštva koncentrisanih s obzirom na njihovu specifičnost.

Posebni odjel za ratne zločine bavi se procesuiranjem počinitelja krivičnih djela protiv čovječnosti i vrijednosti zaštićenih međunarodnim pravom iz glave XVII Krivičnog zakona BiH. Podjela rada unutar samog odjela se ostvaruje kroz funkcionisanje tužilačkih timova koji su formirani prema geografsko – regionalnoj strukturi Bosne i Hercegovine.

Posebni odjel za organizovani kriminal, privredni kriminal i korupciju bavi se procesuiranjem počinitelja krivičnih djela organizovanog kriminala, privrednog kriminala i korupcije kao i krivičnih djela terorizma u skladu sa Internim kriterijima za raspodjelu predmeta unutar odjeljenja Tužilaštva.

Unutar Odjela III, procesuiraju se počinioci svih krivičnih djela iz nadležnosti Tužilaštva Bosne i Hercegovine koja nisu u nadležnosti posebnih odjela. Dodjela predmeta u rad ovom odjelu vrši se u skladu sa Internim kriterijima za raspodjelu predmeta unutar odjela Tužilaštva.

Rad u tužilačkim odjelima organizuju i nadgledaju rukovodioci odjela koji za svoj rad neposredno odgovaraju glavnom tužiocu.

Detaljnije informacije o radu tužilačkih odjela navedene su u narednim poglavljima ove informacije.

1.3.4. UPRAVA

Nesmetan i efikasan rad tužilačkih odjela obezbijeđen je podrškom od strane uprave Tužilaštva. U upravi Tužilaštva obavljaju se pravni, administrativno-tehnički, opšti i materijalno-finansijski poslovi, IT poslovi, poslovi vezani za odnose s javnošću i drugi poslovi neophodni za zakonito, blagovremeno i efikasno funkcionisanje Tužilaštva. U upravi Tužilaštva obezbjeđuje se i posebna podrška radu tužilačkih odjela.

Sekretar Tužilaštva, pod nadzorom glavnog tužioca, rukovodi, nadgleda i koordinira radom uprave Tužilaštva.

Rad uprave je organiziran na način koji obezbjeđuje maksimalnu efikasnost i sistematičnost u obavljanju poslova. Poslovi iz nadležnosti Uprave Tužilaštva obavljaju se u okviru sljedećih organizacionih jedinica: Kabinet glavnog tužioca, Ured sekretara Tužilaštva, Odjel za pravne,

administrativno-tehničke i opšte poslove, Odjel za materijalno-finansijske poslove, Odjel za odnosne sa javnošću, Odjel za IKT i obradu elektronskog dokaznog materijala, Uredi za posebnu podršku Odjelu III i Posebnim odjelima I i II te Odjel za istrage i podršku svjedocima. Poslovi koji se mogu svrstati u poslove posebne podrške obavljaju se u dva ureda, a odnose se, uglavnom, na podršku tužiocima u radu na krivičnim predmetima i to kroz pružanje pomoći pri izradi pravnih podnesaka, pripremanje nacrtu pravnih akata, istraživanje raznih pravnih pitanja, analizu zakonskih i drugih propisa i prakse domaćih i međunarodnih sudova, izradu sažetaka predmeta i slično.

Posebna podrška ostvaruje se i kroz Odjel za istrage i podršku svjedocima u kojem se obavljaju poslovi i preduzimaju mjere na otkrivanju i istragama krivičnih djela iz nadležnosti Tužilaštva. U okviru istraga na konkretnim predmetima u odjelu se vrši planiranje i usaglašavanje postupanja i rada na istrazi sa predmetnim tužiocem, odnosno stručnim saradnikom Tužilaštva, koji radi po ovlaštenju tužioca i ovlaštenih službenih osoba policijskih i drugih agencija za provođenje zakona definisanih Zakonom o krivičnom postupku Bosne i Hercegovine. Odjel dodatno obavlja i poslove tehničke, psihološke i druge vrste podrške svjedocima s ciljem da se obezbijedi efikasna saradnja sa svjedokom u istrazi i tokom krivičnog postupka ostvaruje adekvatnu saradnju sa drugim agencijama koje vrše zaštitu svjedoka u istrazi, kako bi se svjedoku omogućilo slobodno i otvoreno svjedočenje u krivičnom postupku pred Sudom Bosne i Hercegovine. Odjel ostvaruje potrebnu saradnju unutar Tužilaštva, te sa agencijama za provođenje zakona u Bosni i Hercegovini.

Poslovi koji se mogu svrstati u poslove opće podrške, obavljaju se u organizacionim jedinicama Tužilaštva, kako slijedi:

U Kabinetu glavnog tužioca vode se upisnici i imenici tužilačke uprave, obavlja se rad na podjeli spisa tužilačke uprave, vodi se evidencija sastanaka i obaveza glavnog tužioca, posjeta Tužilaštvu, protokolarni poslovi, poslovi prevoda za potrebe glavnog tužioca, poslovi saradnje s Ministarstvom pravde i Ministarstvom vanjskih poslova na realizaciji kontakata glavnog tužioca i inostranih tužilaštava i međunarodnih institucija. Također, pruža se i pomoć glavnom tužiocu u obavljanju pravnih i raznih drugih poslova.

U Uredu sekretara Tužilaštva obavljaju se poslovi rukovođenja, nadgledanja i koordiniranja rada svih odjela i drugih organizacionih jedinica uprave, eksterne komunikacije Tužilaštva sa drugim organima, izrade nacrtu i prijedloga opštih akata Tužilaštva, kao i izrada pojedinačnih akata,

kontrolisanja računovodstveno-blagajničke dokumentacije, pružanja pomoći glavnom tužiocu kod pripreme i izvršenja budžeta, pri utvrđivanju programa rada i informacija o radu, te drugih planova i uopšte pružanja pomoći glavnom tužiocu u obavljanju njegovih poslova administrativne prirode.

U Odjelu za pravne, administrativno-tehničke i opšte poslove obavljaju se poslovi izrade nacrtu opštih i drugih akata Tužilaštva, poslovi pisarne, uredski poslovi i drugi administrativno-tehnički poslovi, lektorski poslovi, prevodilački poslovi, personalni poslovi, daktilografski poslovi, poslovi protokola, kurirski i drugi poslovi koji su nužni za blagovremeno, zakonito i stručno obavljanje poslova Tužilaštva.

U okviru ovog odjela, kao posebna organizaciona podjedinica funkcionira Pisarna Tužilaštva u kojoj se vodi registar predmeta, vrši prijem i otprema pismena, interna distribucija dokumenata, statistika i izvještaji kao i arhiviranje predmeta.

U Odjelu za materijalno-finansijske poslove obavljaju se poslovi koji se odnose na pripremanje i izradu budžeta, drugih finansijskih planova i finansijskih izvještaja Tužilaštva, obračuna plata i naknada, računovodstveni i drugi materijalno-finansijski poslovi, prethodne fiskalizacije prilikom ugovaranja i uopšteno prethodne fiskalizacije svih dokumenata iz kojih mogu proisteći prava i obaveze Tužilaštva, kao i drugi poslovi slične prirode.


Odjel za odnose s javnošću prikuplja i sistematizuje sve vijesti i komentare koji su povezani s Tužilaštvom, te o tome obavještava glavnog tužioca, zamjenike glavnog tužioca, druge tužioce, sekretara Tužilaštva, izrađuje i otprema saopštenja za štampu i informacije medijima.

Odjel za IKT i obradu elektronskog dokaznog materijala ima ključnu ulogu u razvoju informaciono - komunikacionog sistema Tužilaštva i praćenju novih informaciono - komunikacionih tehnologija i metoda, te njihovoj implementaciji u postojeći informatički sistem. U ovom odjelu vrši se i sigurnosna obrada i rukovanje digitalnim i informatičkim dokaznim materijalom, sortiranje i pohranjivanje podataka. Odjel za IKT poslove i obradu elektronskog dokaznog materijala pruža pomoć i podršku korisnicima u okviru funkcionalnosti instalirane opreme, podršku organiziranju edukacije uposlenika iz domena IKT tehnologija, kao i pomoć kod realizacije i izvođenja digitalnih dokaza.

Pitanja važna za praćenje, planiranje i unapređenje poslova uprave razmatraju se na Kolegiju uprave.

1.3.5. ŠEMATSKI PRIKAZ ORGANIZACIONE STRUKTURE

Osnovna organizaciona struktura Tužilaštva Bosne i Hercegovine šematski se može predstaviti na sljedeći način:



1.4. KADROVSKA OSPOSOBLJENOST

1.4.1. RUKOVOĐENJE

U 2011. godinu, Tužilaštvo Bosne i Hercegovine ušlo je pod rukovodstvom Milorada Barašina, koji je za glavnog tužioca Bosne i Hercegovine izabran od strane Visokog sudskog i tužilačkog vijeća dana 28. 01. 2009. godine, a na dužnost stupio dana 02. 02. 2009. godine.

Na vanrednoj sjednici održanoj 04. 07. 2011. godine, Visoko sudsko i tužilačko vijeće Bosne i Hercegovine je, u skladu sa članom 5. Zakona o Tužilaštvu Bosne i Hercegovine, donijelo odluku da će, za vrijeme spriječenosti glavnog tužioca Milorada Barašina da obavlja tu funkciju,

dužnost glavnog tužioca Bosne i Hercegovine obavljati Jadranka Lokmić-Misirača, zamjenik glavnog tužioca i rukovodilac Odjela III.

Do momenta preuzimanja dužnosti v. d. glavnog tužioca od strane Jadranke Lokmić-Misirača koja je do tada obavljala funkciju zamjenika glavnog tužioca, u Tužilaštvu su bila dva zamjenika glavnog tužioca, a od tog momenta stvarno je ostala popunjena samo jedna pozicija zamjenika, iako je Zakonom o Tužilaštvu Bosne i Hercegovine propisano da glavni tužilac ima četiri zamjenika, što je i neophodno kada se ima u vidu obimnost posla glavnog tužioca u instituciji sa posebno komplikovanom i pored toga osjetljivom problematikom.

U toku 2011. godine nije bilo izmjena na pozicijama rukovodilaca posebnih tužilačkih odjela. Dužnost rukovodioca Posebnog odjela za ratne zločine obavlja zamjenik glavnog tužioca Vesna Budimir, dok je rukovodilac Posebnog odjela za organizovani kriminal, privredni kriminal i korupciju Božo Mihajlović.

S obzirom da je v. d. glavnog tužioca Jadranka Lokmić-Misirača obavljala funkciju rukovodioca Odjela III, njenim preuzimanjem vršenja dužnosti glavnog tužioca umjesto nje za v. d. rukovodioca Odjela III imenovan je tužilac Miroslav D. Marković.

1.4.2. DOMAĆI KAPACITETI

U 2011. godini, u Tužilaštvu Bosne i Hercegovine tužilačku funkciju obavljala su ukupno 34 tužioca, koji su državljani Bosne i Hercegovine.

U Tužilaštvu, zaključno sa 31. 12. 2011. godine, bilo je zaposleno 150 zaposlenika (stručno i administrativno osoblje), uključujući i osobe zaposlene na određeno vrijeme. Naime, u toku 2011. godine, jedan broj ovih zaposlenika prestao je sa radom u Tužilaštvu zbog imenovanja na pozicije nosilaca pravosudnih funkcija, ali i iz drugih razloga. Upražnjene pozicije nisu popunjavane na neodređeno vrijeme, nego je angažiran određeni broj zaposlenika na određeno vrijeme.

Na kraju perioda obuhvaćenog ovom informacijom u Tužilaštvu je bilo ukupno 184 zaposlenih (tužioci, stručno i administrativno osoblje).

1.4.3. PODRŠKA UREDA REGISTRARA

Posebnu podršku radu Posebnog odjela za ratne zločine i Posebnog odjela za organizovani kriminal, privredni kriminal i korupciju Tužilaštva pruža Ured registrara čija funkcija treba da se okonča sa 31. 12. 2012. godine.

Ured registrara za Odjel I i II Suda Bosne i Hercegovine i Posebne odjele Tužilaštva Bosne Hercegovine (Posebni odjel za organizovani kriminal, privredni kriminal i korupciju i Posebni odjel za ratne zločine) uspostavljen je 2004. godine, međunarodnim Sporazumom zaključenim između Predsjedništva Bosne i Hercegovine i visokog predstavnika za Bosnu i Hercegovinu, u namjeri osiguranja administrativne i logističke podrške procesuiranju i suđenju počiniocima krivičnih djela kršenja međunarodnog humanitarnog prava, te krivičnih djela organizovanog kriminala, privrednog kriminala i korupcije. U skladu sa navedenim Sporazumom, Ured registrara upravlja procesom odabira i angažovanja, kako međunarodnih sudija Suda Bosne i Hercegovine, tako i međunarodnih tužilaca, koji se imenuju u posebne odjele Tužilaštva Bosne i Hercegovine, te upošljavanja i finansiranja dodatnog domaćeg i međunarodnog osoblja za podršku rada Odjela I i II Suda Bosne i Hercegovine i posebnih odjela Tužilaštva Bosne i Hercegovine (pravno i administrativno osoblje).

U 2006. godini, zaključen je Sporazum o Uredu registrara, Odjela I za ratne zločine i Odjela II za organizovani kriminal, privredni kriminal i korupciju, Krivičnog i Apelacionog odjela Suda Bosne i Hercegovine, kao i Posebnog odjela za ratne zločine, te Posebnog odjela za organizovani kriminal, privredni kriminal i korupciju Tužilaštva Bosne i Hercegovine kao i o uspostavi Tranzicijskog vijeća kojim je zamijenjen Sporazum o Uredu registrara od 01. 12. 2004. godine i Aneks tog Sporazuma. („Službeni glasnik Bosne i Hercegovine, broj 3/07).

Troškovi Ureda registrara pokrivaju se iz donacija i dobrovoljnih priloga donatora.

Ured registrara ima izlaznu strategiju i uporedo sa procesom smanjenja obima podrške koju Ured registrara pruža Tužilaštvu, potrebno je obezbijediti snažniju podršku nadležnih organa države Bosne i Hercegovine Tužilaštvu da svoje funkcije vrši samostalno, korištenjem isključivo sopstvenih kapaciteta koje je uz navedenu podršku neophodno osnažiti.

U tom smislu, u skladu sa Zakonom o izmjenama i dopunama Zakona o Tužilaštvu Bosne i Hercegovine („Službeni glasnik Bosne i Hercegovine“ broj: 97/09) još u toku 2010. godine, međunarodni tužiocima su prestali vršiti dužnosti zamjenika glavnog tužioca Tužilaštva i rukovodilaca Posebnih odjela. Također, međunarodni tužiocima imenovani u Posebni odjel za organizovani kriminal, privredni kriminal i korupciju, zamijenjeni su domaćim tužiocima. Navedenim zakonom omogućen je ostanak međunarodnih tužilaca u Posebnom odjelu za ratne

zločine Tužilaštva do kraja 2012. godine i potrebno je također, u skladu sa navedenim zakonom, obezbijediti sukcesivnu zamjenu istih domaćim tužiocima.

Podrškom Ureda registrara u periodu obuhvaćenom ovom informacijom, finansirana su četiri međunarodna tužioca koja su, kako je to već i navedeno, u posmatranom periodu obavljala funkciju tužilaca u Posebnom odjelu za ratne zločine.

Pored gore navedenih međunarodnih tužilaca, kroz podršku Ureda registrara finansirano je i dodatno domaće i međunarodno osoblje. Preko Ureda registrara bilo je uposleno i finansirano u posmatranom periodu 15-19 dodatnih domaćih zaposlenika. Broj ovih zaposlenika u mjesecu decembru 2011. godine bio je 16. Kao međunarodno osoblje bilo je uposleno i finansirano 9-10 zaposlenika. Broj zaposlenika angažiranih od strane Ureda registrara nije precizno naveden jer se u toku perioda obuhvaćenog ovom informacijom mijenjao u navedenim granicama.

1.5. OZNAKE UPISNIKA

Radi lakšeg praćenja dalje sadržine ove Informacije, navode se oznake upisnika koji se vode u Tužilaštvu i kojima se označavaju i predmeti koji se vode u tim upisnicima kako slijedi:

KT	krivični upisnik za fizičke i pravne osobe – poznati počinioci
KT-RZ	krivični upisnik za počinioce krivičnog djela ratnog zločina
KTN	krivični upisnik za nepoznate počinioce
KTN-RZ	krivični upisnik za nepoznate počinioce krivičnog djela ratnog zločina
KTM	krivični upisnik za maloljetne počinioce
KTZ	krivični upisnik za predmete međunarodne pravne pomoći i ekstradicije
KTA	upisnik raznih krivičnih predmeta
KTA-RZ	krivični upisnik raznih krivičnih predmeta ratnog zločina
A, A-RZ, A-P, A-US, A-I i P	upisnici za razne poslove

U vezi sa gore navedenim, napominjemo da se u Tužilaštvu predmeti evidentiraju i elektronskim putem. Naime, početkom 2011. godine, od strane VSTV-a je implementiran Sistem upravljanja predmetima - *Case Management System* (CMS) koji ima za svrhu potpunu automatizaciju procesa rada u sudovima i tužilaštvima, čime se omogućava veća efikasnost i transparentnost u radu osoblja, te praćenje statističkih podataka i izvještavanje, kako na nivou pojedinačnih pravosudnih institucija, tako i na nivou kantona, entiteta i cijele države.

2. ODJELI TUŽILAŠTVA BOSNE I HERCEGOVINE

2.1. POSEBNI ODJEL ZA RATNE ZLOČINE (POSEBNI ODJEL I)

Ovaj odjel je započeo sa radom 09. 03. 2005. godine, nakon što su usvojeni zakoni koji su bili nužni da bi se stekli uslovi da se predmeti Međunarodnog krivičnog suda za bivšu Jugoslaviju (u daljem tekstu: MKSJ) mogu procesuirati pred domaćim pravosudnim organima, kao i da bi se mogla preuzeti uloga Jedinice pravila puta MKSJ, koja je do svog zatvaranja vršila pregled predmeta ratnih zločina.

2.1.1. ORGANIZACIJA POSEBNOG ODJELA ZA RATNE ZLOČINE

Posebni odjel za ratne zločine svoj rad u organizacionom smislu ostvaruje kroz funkcionisanje šest (6) tužilačkih timova koji su ustanovljeni prema geografsko-regionalnoj strukturi BiH.



Slika 2. Organizaciona šema Posebnog odjela za ratne zločine

Tužilački timovi u svom sastavu imaju po dva ili tri domaća tužioca, a u nekim timovima i međunarodnog tužioca, zatim stručne saradnike, koordinate predmeta, istražitelje i ostalo

administrativno osoblje koje pruža pomoć tužiocima u radu. Pomoć tužiocima u radu pruža i jedan stručni savjetnik–pravnik.

Od 2010. godine u radu na predmetima za ratne zločine pomoć pruža i Odjel za istrage i podršku svjedocima Tužilaštva BiH, kojeg čini jedan savjetnik-istražitelj u svojstvu rukovodioca odjela i 8 stručnih saradnika-istražitelja, te jedan viši stručni saradnik i viši referent za podršku svjedocima. U ovom odjelu se obavljaju različiti poslovi u okviru istraga krivičnih djela iz nadležnosti ovog Tužilaštva. Istražitelji odjela preduzimaju radnje u skladu sa Zakonom o krivičnom postupku BiH koje im povjere postupajući tužioc, kao što su lociranje i saslušanje svjedoka, pretrage arhiva i dokumentacije različitih organa vlasti i pravnih osoba u cijeloj BiH, sudjeluju zajedno sa policijskim agencijama u prikupljanju dokaza na terenu (pretresi objekata i osoba, oduzimanje predmeta, saslušanje svjedoka i ispitivanje osumnjičenih), te koordiniraju sve ove aktivnosti sa različitim policijskim agencijama uključenim u istrage.

U protekloj godini istražitelji odjela izvršili su pregled više arhiva po naredbama postupajućih tužilaca i to na raznim lokacijama na području BiH. Neki od ovih pregleda izvršeni su i po zahtjevima za pravnu pomoć pravosudnim organima stranih država.

Navedeni odjel dodatno obavlja i poslove tehničke, psihološke i druge vrste podrške svjedocima s ciljem da se obezbijedi efikasna saradnja sa svjedocima u istrazi i tokom krivičnog postupka, te ostvaruje potrebna saradnja, kako unutar Tužilaštva BiH, tako i sa drugim agencijama za provođenje zakona.

Također, značajnu podršku Posebnom odjelu za ratne zločine pruža i Odjel za informaciono-komunikacione tehnologije i obradu elektronskog dokaznog materijala, na čelu sa rukovodiocem odjela-stručnim savjetnikom, te 3 viša referenta za unos podataka i obradu elektronskog dokaznog materijala i 1 višim referentom - AV tehničarom. Navedeni odjel se, između ostalog, bavi unosom, ažuriranjem, održavanjem i pretraživanjem informacija u računarskim sistemima, prenosom informacija i podataka sa zapisa na papiru na automatizovane sisteme, održava mrežni i elektronski sistem arhiviranja dokaznog materijala i ostale dokumentacije za predmete ratnih zločina, prati sve potencijalne dokaze, slaže, indeksira i prati izdavanje materijala i dokaza, zatim unosi, ažurira, održava i pretražuje podatke u bazama za koordinaciju predmeta te daje podršku suđenjima koja uključuje pomaganje u izvođenju dokaza na Sudu BiH, kao i digitalnih i kompjuterizovanih dokaza, pomoć u održavanju kompjuterske opreme i sistema.

Nadalje, Posebnom odjelu za ratne zločine značajnu pomoć pruža i 5 analitičara koji se bave analizom i istraživanjem ratnih zločina po nalogima tužilaca. Istraživanje podrazumijeva pronalaženje dokaza od kojih su većina dokumenti iz arhiva, institucija, baza podataka,

biblioteka, medija, raznih drugih izvora, izjave svjedoka i drugi. Istraživanje se radi sa ciljem utvrđivanja činjenica o ličnostima i događajima iz ratnog perioda.

Zahtjevi i naredbe upućeni analitičarima su se najčešće odnosili na izradu analitičkih izvještaja u vezi određene vojne ili policijske strukture, komandnog lanca, kriznog štaba i počinjenih zločina (logori, masovna ubistva, itd.) na osnovu dokumenata pronađenih pretraživanjem EDS baze, sudske baze MKSJ, internet stranica, spisa Tužilaštva, te presuda i transkripata MKSJ. U 2011. godini je pripremljeno ukupno 49 analitičkih izvještaja, koji variraju od kratkih izvještaja do opsežnih studija. Analitičari primaju i mnogo zahtjeva za pretraživanje EDS baze i sudske baze MKSJ, kao i državnih, vojnih ili drugih relevantnih arhiva, zbirki i dokumenata u dokumentacionim centrima i centrima za istraživanje u potrazi za dokumentima koji su potrebni tužiocima u fazi istrage.

Od 2009. godine uspostavljena je saradnja sa kantonalnim i okružnim tužiocima u vezi sa pretraživanjem EDS baze koju je Haški tribunal stavio na raspolaganje Tužilaštvu BiH (a kojoj kantonalna i okružna tužilaštva nemaju pristup) i dostavljanjem dokumenata o ratnim zločinima za potrebe njihovog rada, koja saradnja se nesumnjivo mora unaprijediti i u toku narednog perioda, a pogotovo vezano za raspodjelu predmeta.

2.1.2. KADROVSKA STRUKTURA POSEBNOG ODJELA ZA RATNE ZLOČINE

Dužnost rukovodioca Posebnog odjela za ratne zločine od mjeseca januara 2010. godine obavlja domaći tužilac i to zamjenica glavnog tužioca, rukovoditelja Posebnog odjela za ratne zločine, koja je imenovana za zamjenika glavnog tužioca u Tužilaštvo BiH Odlukom Visokog sudskog i tužilačkog vijeća BiH od 25. 06. 2009. godine, a koja odluka je objavljena u „Službenom glasniku BiH“ br. 55/09 od 14. 07. 2009. godine, a potom Odlukom glavnog tužioca Tužilaštva BiH broj A-918/09 od 30. 12. 2009. godine, imenovana za rukovodioca Posebnog odjela za ratne zločine.

U toku posmatranog perioda u Posebnom odjelu za ratne zločine radilo je 14 domaćih tužilaca, kojima je podršku u radu pružalo domaće osoblje i to, 1 stručni savjetnik, 14 stručnih saradnika, 6 koordinatora predmeta, 5 analitičara i 14 daktilografa.

Također, u Posebnom odjelu za ratne zločine u različitim periodima tokom 2011. godine radio je jedan broj uposlenika koje je finansirao Ured registrara, a koji broj se mijenjao tokom posmatranog perioda i u prosjeku je iznosio oko 7 uposlenika međunarodnog osoblja i oko 12 uposlenika domaćeg osoblja (koje domaće osoblje uključuje prevodioce, pravne saradnike, pripravnike i koordinate predmeta).

Odlukom visokog predstavnika dana 14. 12. 2009. godine donesen je Zakon o izmjenama i dopunama Zakona o Tužilaštvu BiH kojim je propisano da se u prelaznom periodu, dakle do 31. 12. 2012. godine, međunarodni tužioci mogu imenovati samo kako bi radili na predmetima ratnih zločina i shodno tome planirano je da to budu 4 međunarodna tužioca. U toku 2011. godine u Posebnom odjelu za ratne zločine radila su 4 međunarodna tužioca.

2.1.3. SPECIFIČNOSTI POSEBNOG ODJELA ZA RATNE ZLOČINE

2.1.3.1. DRŽAVNA STRATEGIJA ZA RAD NA PREDMETIMA RATNIH ZLOČINA

Tužilaštvo BiH je u toku 2011.godine poduzelo niz aktivnosti u cilju izvršenja, pred Tužilaštvo postavljenih, strateških mjera u Državnoj strategiji za rad na predmetima ratnih zločina o kojima je povremeno podnosilo izvještaj Nadzornom organu za praćenje provođenja Državne strategije za rad na predmetima ratnih zločina, uglavnom po zahtjevu Nadzornog organa.

Najveći broj aktivnosti vezan je za ažuriranje baze podataka otvorenih predmeta ratnih zločina, odnosno ispunjenje **strateške mjere 1 i 2** iz Državne strategije, s obzirom da je ispunjenje ove strateške mjere preduslov za ispunjenje ostalih, pred Tužilaštvo postavljenih, strateških mjera. Do kraja 2011.godine nije u potpunosti ispunjena strateška mjera 2 iz Državne strategije, ali su napravljeni preduslovi za ispunjenje iste u prvim mjesecima 2012.godine.

Strateškom mjerom br. 3 iz Državne strategije, pred Tužilaštvo je stavljen zadatak osiguranja stalnih kapaciteta za održavanje centralizovane evidencije i angažovanje službenika na neodređeno vrijeme koji bi radio na daljem unosu i ažuriranju podataka. Ovu stratešku mjeru Tužilaštvo nije ispunilo s obzirom na privremeno finansiranje u toku 2011. godine i nemogućnost prijema novih uposlenika, ali je obezbijedeno preuzimanje od strane Ureda registrara jednog uposlenika (uz postojeća 2 iz VSTV-a), koji je u kontinuitetu nastavio u drugoj polovini 2011. godine rad na unosu i ažuriranju podataka u bazi, tako da se može reći da je u okviru postojećih mogućnosti Tužilaštvo poduzelo aktivnosti na ispunjenju strateške mjere br.3.

Nadalje, Državnom strategijom za rad na predmetima ratnih zločina stavljena je u obavezu Tužilaštvu **strateška mjera br. 8** (dostavljanje Sudu Bosne i Hercegovine izvještaja o otvorenim predmetima ratnih zločina), koja je izvršena 18. 10. 2011. godine. Naime, Tužilaštvo Bosne i Hercegovine je Sudu Bosne i Hercegovine dostavilo Izvještaj o nezavršenim predmetima ratnih zločina koji su uneseni u bazu podataka otvorenih predmeta ratnih zločina, koji podaci su Tužilaštvu BiH iz baze dostavljeni zaključno sa avgustom 2011. godine i prema kojem izvještaju je u bazu bilo uneseno ukupno 613 predmeta i to kategorije I (predmeti koji bi se trebali završiti u roku od 7 godina) 308 predmeta protiv 2.417 osoba i kategorije II (predmeti koji bi se trebali završiti u roku od 15 godina), 305 predmeta protiv 956 osoba.

Strateška mjera 12 (redovni sastanci predstavnika Suda BiH s ciljem osiguranja jedinstvene primjene usaglašenih kriterija) je ispunjena, a što proizilazi iz podatka da je Tužilaštvo dana 19. 10. 2011. godine imenovalo stalnu Radnu grupu sa zadatkom praćenja i analize provođenja Državne strategije za rad na predmetima ratnih zločina, odnosno da analizira i prati usaglašavanje primjene kriterija za ocjenu složenosti predmeta ratnih zločina, u čijem radu, pored tužilaca Tužilaštva BiH, učestvuju i predstavnici kantonalnih i okružnih tužilaštava, odnosno Tužilaštva Brčko distrikta BiH.

Radna grupa je do kraja 2011. godine održala više sastanaka na kojima su se razmatrala pitanja konkretizacije kriterija za ocjenu složenosti predmeta iz Aneksa „A“ Državne strategije za rad na predmetima ratnih zločina i na kojima su definisane pojedinačne radnje u okviru kriterija za ocjenu težine krivičnog djela, svojstva počinitelja i ostalih okolnosti koje utiču na ocjenu složenosti predmeta, odnosno na primjenu članova 27., 27a. i 449. Zakona o krivičnom postupku BiH.

Ova Radna grupa je formirana i sa zadatkom održavanja redovnih sastanaka sa stalnim Vijećem Suda BiH koje je ustanovljeno radi praćenja provođenja Državne strategije. Sastanci Radne grupe Tužilaštva BiH i stalnog Vijeća Suda BiH održavaju se redovno i na taj način se osigurava izvršenje strateške mjere 12. Državne strategije.

Strateška mjera 23 (jačanje regionalne pravosudne saradnje u vezi predmeta ratnih zločina), cijeni se da je u toku 2011. godine kontinuirano izvršavana.

Tužioci Tužilaštva Bosne i Hercegovine, u okviru regionalne saradnje, a u cilju izvršenja ove strateške mjere, uzimali su učešće na svim regionalnim konferencijama i forumima na kojima se raspravljalo o pitanjima vezanim za rad na predmetima ratnih zločina i to, kako organizovanih u Bosni i Hercegovini, tako i u susjednim državama.

Kao jedan od kontinuiranih vidova regionalne saradnje je Regionalna konferencija tužilaca na Brionima u R Hrvatskoj, koja je u 2011. godini održana u maju mjesecu i kojoj su prisustvovali predstavnici Tužilaštva BiH, a koja se odnosila na pitanja u vezi krivičnog procesuiranja predmeta ratnih zločina u pravosudnim institucijama zemalja regiona i Međunarodnom krivičnom sudu za bivšu Jugoslaviju (MKSJ) u Den Haag-u, te regionalnu saradnju tužilaštava u ovoj oblasti. Ovoj konferenciji prisustvovali su i predstavnici entitetskih tužilaštava u BiH, Tužilaštva Brčko distrikta BiH, te predstavnici državnih tužilaštava Hrvatske, Republike Srbije, Republike Crne Gore, kao i glavni tužilac pri MKSJ-u sa saradnicima.

Sudionici konferencije razgovarali su o saradnji državnih tužilaštava zemalja regiona u procesu identifikacije osoba osumnjičenih i optuženih za ratne zločine, zatim o postojećim bazama podataka o predmetima ratnih zločina koje su uspostavljene u pravosuđima pojedinih zemalja, kao i evaluaciji i ocjeni projekta uspostave regionalnih tužilaca, koji kao kontaktne tačke, djeluju pri MKSJ. Jedna od tema konferencije odnosila se i na rad Međunarodne asocijacije tužilaca i pružanje podrške regionalnoj saradnji u procesuiranju krivičnih djela ratnih zločina.

Nadalje, Tužilaštvo BiH je u postupcima pružanja pravne pomoći, a u skladu sa Zakonom o međunarodnoj pravnoj pomoći u krivičnim stvarima, te potpisanim međudržavnim ugovorima o pružanju pravne pomoći, ostvarivalo sa tužilaštvima regiona stalnu saradnju u pojedinačnim predmetima ratnih zločina.

Također, Tužilaštvo BiH je duži period pregovaralo sa Tužilaštvom za ratne zločine Republike Srbije o potpisivanju Protokola o saradnji u progonu počinitelja krivičnih djela ratnih zločina, zločina protiv čovječnosti i genocida, koji je usaglašen 23. 11. 2011. godine sa predstavnicima Tužilaštva za ratne zločine Republike Srbije i za potpisivanje usaglašenog protokola se pismeno izjasnilo 35 tužilaca Tužilaštva BiH. Potpisivanje ovog protokola je odloženo iz razloga što se Tužilaštvu 28. i 29. 11. 2011. godine obratilo Predsjedništvo BiH dopisima, te zatražilo od Tužilaštva BiH da se protokol uputi u redovnu proceduru u skladu sa Ustavom BiH, član V.3.d, a u skladu sa Zakonom o postupku zaključivanja izvršenja međunarodnih ugovora. Protokol nije potpisan do kraja 2011.godine i moguće je da će isti biti potpisan u narednoj godini, ukoliko dođe do usaglašavanja stavova Ministarstva pravde Bosne i Hercegovine i Predsjedništva Bosne i Hercegovine. Ministarstvo pravde Bosne i Hercegovine ima stav da ovaj protokol ne podliježe proceduri u skladu sa Zakonom o postupku zaključivanja i izvršenja međunarodnih ugovora.

Strateška mjera 34 (angažovanje psihologa za pružanje psihološke podrške ugroženim svjedocima u postupku davanja izjave u toku istrage) je također izvršena. Odjel za istrage i podršku svjedocima koji je u Tužilaštvu BiH formiran tokom 2010 godine, efektivno je počeo sa radom 01. 01. 2011. godine i uposleni u ovom odjelu pružaju stručnu i značajnu pomoć ugroženim svjedocima i na taj način daju doprinos efikasnijem vođenju istrage.

2.1.3.2. PREDMETI EKSHUMACIJA

Nakon stupanja na snagu Zakona o krivičnom postupku Bosne i Hercegovine dana 01. 03. 2003. godine, entitetska tužilaštva, tj. kantonalna i okružna tužilaštva, nastavila su po naredbama

entitetskih sudova izvršavati naredbe za ekshumaciju u predmetima ratnih zločina, od kraja 2008. godine Tužilaštvo Bosne i Hercegovine je počelo da zaprima sve informacije vezane za nestale osobe, a gdje se ukaže potreba za izvršenje ekshumacije da upućuje Sudu Bosne i Hercegovine zahtjeve za izdavanje naredbi za ekshumaciju.

Od 01. 01. 2011. godine, svi zahtjevi i svi predmeti ekshumacije i reekshumacije se rješavaju u Tužilaštvu BiH i preko Suda BiH.

U 2011. godini u Tužilaštvu Bosne i Hercegovine su u radu bila 954 KTA-E-RZ predmeta, od kojih je 646 zaprimljeno u rad tokom 2011. godine, dok je 308 KTA-E-RZ predmeta ostalo u radu iz prethodnih godina. 174 predmeta su iskazana završenim tokom 2011. godine. Navedeni predmeti uključuju zahtjeve za ekshumaciju po kojima su izdavane naredbe Suda Bosne i Hercegovine za ekshumaciju, ali i određene informacije udruženja građana i fizičkih osoba koje nisu do sada dovedene do faze kada se može uputiti potpun prijedlog za izdavanje naredbi za ekshumaciju.

Najveći broj predmeta koji su iskazani kao završeni su iz prethodnih godina. Naime, samo izdavanje naredbe za ekshumaciju ne predstavlja problem, ali ova radnja dokazivanja, koja predstavlja prikupljanje dokaza u predmetima ratnih zločina, traje dugo jer podrazumijeva angažovanje vještaka, vršenje DNK analiza, identifikaciju ekshumiranih posmrtnih ostataka i drugih vrsta vještačenja koja su vrlo kompleksna a koja je potrebno provesti da bi se u potpunosti završila ova radnja dokazivanja, zbog čega taj postupak traje više od godinu dana.

Tužilaštvo nije u budžetu za 2011. godinu imalo planirana sredstva za ekshumacije s obzirom da, kako je naprijed navedeno, su tu radnju dokazivanja provodila entitetska tužilaštva, a nakon donošenja odluke da će od 01. 01. 2011. godine Tužilaštvo BiH vršiti ekshumacije, sredstva su odobrena odlukama Vijeća ministara, a na osnovu potpisanog sporazuma sa Institutom za nestale osobe. Problem koji se vezano za sredstva javio u Tužilaštvu BiH jeste činjenica da su sredstva kasnila i doznačivana Tužilaštvu u situaciji kada su već postojala velika dugovanja prema vršiocima usluga u postupcima ekshumacija, a što je dodatno otežavalo rješavanje ovih predmeta.

U Tužilaštvu BiH, u toku 2011. godine, preduzete su odgovarajuće mjere na pripremi svih tehničkih i logističkih uslova radi realizacije budućih zahtjeva za ekshumacije. Akutni problem - pomanjkanje prostora, reflektuje se i na ovu sferu aktivnosti Tužilaštva, s obzirom da se može očekivati povećanje materijalne dokumentacije i dokaza nastalih izvršenjem ovih naredbi, a u budućem periodu će se pohranjivati u spisima i arhivi Tužilaštva.

2.1.3.3. SARADNJA SA TUŽILAŠTVOM MEĐUNARODNOG KRIVIČNOG SUDA ZA BIVŠU JUGOSLAVIJU (MKSJ)

Saradnja Tužilaštva BiH sa Međunarodnim krivičnim sudom za bivšu Jugoslaviju (MKSJ) je veoma značajna i tokom proteklih godina odvijala se kroz razne oblike i na raznim nivoima, što je nastavljeno i u toku 2011. godine.

U 2011. godini, iz Posebnog odjela za ratne zločine upućena su 72 zahtjeva za pomoć prema Tužilaštvu MKSJ. Ovi zahtjevi odnosili su se na pretrage povjerljivih baza Tužilaštva MKSJ, ovjere dokaznog materijala, prikupljanje informacija o svjedocima, pripreme i praćenje postupka za izmjenu mjera za svjedoke koji su odlukama pretresnih i žalbenih vijeća MKSJ dobili zaštitu.

U okviru saradnje Tužilaštva BiH sa Tužilaštvom MKSJ organizirane su posjete tužilačkih timova Posebnog odjela za ratne zločine Haag-u, a pružana je i pomoć pri pretragama i izradi zahtjeva za međunarodnu pravnu pomoć za kantonalna, okružna i Tužilaštvo Brčko distrikta u BiH.

Sa namjerom daljeg jačanja tužilačkih kapaciteta i aktivnosti u bivšoj Jugoslaviji, Ured tužioca MKSJ pokrenuo je program edukacije, uključujući program posjete državnih tužilaca i program posjete mladih stručnjaka, u kojem programu učestvuje i Tužilaštvo BiH. Kroz ovaj program tužioci i uposlenici Posebnog odjela za ratne zločine se upoznaju sa načinom rada timova MKSJ i mogućnošću korištenja elektronskih baza podataka i procedura koje se moraju poštovati da bi se pristupilo povjerljivim materijalima u skladu sa Pravilima postupka i dokaza MKSJ.

Kroz program posjete mladih stručnjaka omogućena je edukacija i obuka mladih pravnih stručnjaka – pripravnika i stručnih saradnika iz Tužilaštva Bosne i Hercegovine koji su dobili priliku da pomažu Uredu tužioca u radu na predmetima, uključujući rad sa dokazima i drugim pravnim pitanjima, pohađanje predavanja i prezentacije o raznim temama vezanim za rad Ureda tužioca i MKSJ općenito. U toku 2011. godine, u ovaj program uključen je stručni saradnik iz Posebnog odjela za ratne zločine, koji je ujedno i kontakt osoba za Tužilaštvo Bosne i Hercegovine, odnosno Posebni odjel za ratne zločine, kao i pripravnici iz Tužilaštva.

2.1.4. RAD NA PREDMETIMA

2.1.4.1. KT-RZ-PREDMETI

U Posebnom odjelu za ratne zločine 01. 01. 2011. godine, u radu je bilo 750 KT-RZ predmeta protiv 4327 osoba, a od tog broja tokom 2011. godine zaprimljeno je 87 predmeta protiv 506 osoba.

Tužiocima navedenog odjela, u 2011. godini, donijeli su 43 naredbe o provođenju istrage protiv 91 osobe. U 16 predmeta protiv 40 osoba donesene su naredbe o neprovođenju istrage, a u 18 predmeta protiv 37 osoba donesene su naredbe o obustavi istrage.


U 2011. godini tužiocima Posebnog odjela za ratne zločine nakon provedenih istraga protiv 43 osobe, podigli su 28 optužnica.

Tužiocima ovog odjela su u 8 predmeta u odnosu na 8 osoba sklopili sporazume o priznanju krivice sa optuženima, koje sporazume je Sud BiH prihvatio, te izrekao osuđujuće presude.

Posebni odjel za ratne zločine je tokom 2011. godine za krivično djelo genocid iz člana 171. KZ BiH optužio 2 osobe, za krivično djelo zločina protiv čovječnosti iz člana 172. KZ BiH ukupno 7 osoba, za krivično djelo ratni zločin protiv civilnog stanovništva iz člana 173. KZ BiH ukupno 19 osoba, od čega je potvrđeno 27 optužnica u odnosu na 35 osoba.

Rješavajući po optužnicama ovog odjela, tokom 2011. godine, Sud BiH je nakon provedenog postupka u 17 predmeta protiv 23 osobe donio prvostepene presude, te 19 osoba osudio na kaznu zatvora u ukupnom trajanju od 220 godina, dok je za 4 osobe donio oslobađajuću presudu. Tužiocima ovog odjela su u 9 predmeta u odnosu na 17 osoba uložili žalbe, te je tokom posmatranog perioda, obuhvatajući žalbe iz prethodnih godina, 1 žalbu uvažio, dok je 15 žalbi odbio.

Nadalje, Sud BiH je u 21 predmetu u odnosu na 29 osoba donio drugostepene presude, od kojih su 23 osobe osuđene na kaznu zatvora u trajanju od 311 godina i 6 mjeseci, u odnosu na 5 osoba je donio oslobađajuću presudu, dok je u odnosu na jednu osobu obustavio postupak.



Slika 3. Pregled tužilačkih odluka u Posebnom odjelu za ratne zločine u 2011. godini

2.1.4.2. OSTALE VRSTE PREDMETA

KTA-RZ- PREDMETI

Tužiocima Posebnog odjela tokom 2011. godine imali su u radu 2.099 KTA-RZ predmeta, od kojih je 1.121 predmet kao neriješen prenesen iz prethodnih godina, dok je u 2011. godini zaprimljeno 1.228 predmeta, a riješeno je 298 predmeta.

Prenošenjem u KT-RZ upisnik riješeno je 11 predmeta, a 287 predmeta je riješeno na drugi način, što u ukupnom iznosi 298 riješenih predmeta.

KTN-RZ PREDMETI

Tužiocima Posebnog odjela za ratne zločine su u 2011. godini u radu imali 310 KTN-RZ predmeta, od kojih je preneseno kao neriješeno 228 predmeta iz ranijih godina, a u 2011. godini su ukupno zaprimljena 82 KTN-RZ predmeta, a riješeno je 10 predmeta.

Prenošenjem u KT-RZ upisnik riješen je 1 predmet, a 9 predmeta je riješeno na drugi način, što ukupno iznosi 10 riješenih predmeta.

KTZ PREDMETI


Početkom 2011. godine u radu je bilo ukupno 9 predmeta protiv 9 osoba, od kojih su 4 predmeta u odnosu na 4 osobe ostala neriješena iz ranijih godina, 5 je primljeno u toku 2011.g., a u 2011. godini riješena su i arhivirana 3 predmeta u odnosu na 3 osobe.

A-RZ-PREDMETI

Posebni odjel za ratne zločine je u 2011. godini zaprimio 126 A-RZ predmeta, iz ranijih godina prenesen je 131 predmet, tako da je ukupno u radu u 2011. godini bilo 257 predmeta, od čega je 190 urađeno, a 67 ostalo u radu.

A-PREDMETI

Za A-upisnik u izvještajnom periodu upisano je 27 predmeta, od toga je riješeno 25 predmeta, tako da su sa krajem 2011. godine ostala u radu još 2 predmeta.



Slika 4. Pregled KTA-RZ, KTN-RZ i A-RZ predmeta u Posebnom odjelu za ratne zločine u 2011. godini

2.1.5. OSTALE AKTIVNOSTI TUŽILACA

Optužnice, žalbe, naredbe o provođenju istrage, naredbe o obustavi istrage, naredbe o neprovođenju istrage, te okončani KTA-RZ i KTN-RZ predmeti, nisu jedini rezultati rada tužilaca Posebnog odjela za ratne zločine Tužilaštva BiH.

Naime, tužioci Posebnog odjela za ratne zločine su Državnoj agenciji za istrage i zaštitu podnijeli veliki broj naredbi za preduzimanje istražnih radnji.

Po naredbi tužilaca Posebnog odjela za ratne zločine u 2011. godini u 20 predmeta, 36 osoba lišeno je slobode.

Pred Sudom Bosne i Hercegovine, u postupcima vođenim po optužnicama Posebnog odjela za ratne zločine, održano je u 2011. godini 920 glavnih pretresa.

Ovi podaci također ukazuju da je veliki broj zakazanih ročišta pred Sudom BiH, s obzirom na kompleksnost i obimnost predmeta ratnih zločina, te također da, zbog zauzetosti sudija i sudnica, suđenja u gotovo svakom predmetu traju dugo, u prosjeku od po godinu i godinu i po dana.

Tokom posmatranog perioda tužioci Odjela I prisustvovali su obavezanim edukacijama u trajanju od 4 radna dana. Također, tužioci ovog odjela su svoja znanja proširivali na seminarima i konferencijama koje su organizovane od strane raznih domaćih i međunarodnih nevladinih organizacija i državnih institucija. Dvoje tužilaca iz Posebnog odjela za ratne zločine u 2011.

godini prisustvovali su kao edukatori i predavači na način da su svoje znanje i iskustva prezentovali na sljedeće teme:

- *Vještine zastupanja - uključujući edukaciju edukatora*
- *Istražne radnje, metoda i tehnika u istraživanju ratnih zločina*
- *Ratni zločini*

Kao i prethodnih godina, predstavnici Tužilaštva BiH su i tokom 2011.g., aktivno učestvovali u radu Tima za praćenje i ocjenu krivičnih zakona BiH pri Ministarstvu pravde BiH, i to, ispred Posebnog odjela za ratne zločine, jedan tužilac.

2.1.6. SPECIFIČNI PROBLEMI U RADU POSEBNOG ODJELA ZA RATNE ZLOČINE

Značajno i najviše korišteno dokazno sredstvo u predmetima ratnih zločina jesu svjedoci, čija je uloga ponekad od presudnog značaja za uspješno okončanje predmeta. Međutim, primjetno je da se svjedoci sve više odlučuju da ne daju izjave te da postoji zamorenost svjedoka zbog davanja izjava više puta, kako u fazi istrage pred Tužilaštvom BiH, tako i na suđenjima pred Sudom BiH.

Značajan problem tokom provođenja postupka predstavljaju loše zdravstveno stanje, godine starosti svjedoka, a naročito smrt ključnih ili jedinih preživjelih svjedoka za predmete ratnih zločina, što sve utiče i na dalji tok postupka.

Kao čest problem se pojavljuje i to da određeni broj svjedoka ne boravi na području BiH, a ne pokazuju spremnost za dolazak radi svjedočenja, a koji su od velikog značaja za Tužilaštvo i okončanje istrage.

Problemi Posebnog odjela I uočeni u toku 2011. godine, a koji dobrim dijelom potiču i iz ranijeg perioda, ogledaju se i u sljedećem:

- prostorna distanca, kao i činjenica da veći broj svjedoka, kako je već navedeno, ne boravi u BiH, što prouzrokuje trošenje finansijskih resursa kako bi se saslušali svjedoci;
- problemi su evidentni i u postupku ekshumacija, jer ne postoji dovoljan broj patologa, što itekako ima uticaja na to da ovi postupci traju dugo.

2.2. POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU (POSEBNI ODJEL II)

Posebni odjel za organizirani kriminal, privredni kriminal i korupciju (Posebni odjel II) uspostavljen je formiranjem Tužilaštva Bosne i Hercegovine u 2003. godini.

U nadležnost Posebnog odjela II spada procesuiranje počinitelja krivičnih djela iz oblasti organiziranog kriminala, privrednog kriminala i korupcije, u skladu sa zakonima Bosne i Hercegovine. Ovdje spadaju krivična djela korupcije koja se odnose na zaposlenike u institucijama Bosne i Hercegovine, krivična djela privrednog i finansijskog kriminala, uključujući krivična djela porezne utaje, krijumčarenja, carinskih prevara i pranja novca, te krivična djela organiziranog kriminala uključujući ali ne i ograničavajući se na djela međunarodne trgovine drogama, trgovine ljudima i slična krivična djela propisana Krivičnim zakonom Bosne i Hercegovine.

Nakon Odluke visokog predstavnika u BiH, od 14. 12. 2009. godine, kojom je okončan mandat međunarodnim tužiocima u Posebnom odjelu za organizirani kriminal, privredni kriminal i korupciju, tokom 2011. godine u Posebnom odjelu II rade isključivo domaći tužiocima, uz prisustvo dva međunarodna pravna savjetnika.

Ispunjavajući ciljeve postavljene pred Tužilaštvo BiH, tokom 2011. godine, u Posebnom odjelu II je radilo ukupno deset domaćih tužilaca, raspoređenih u deset tužilačkih timova.

Tužiocima u radu na predmetima stručnu i administrativnu pomoć pruža ostalo osoblje koje čine 3 stručna savjetnika, 10 stručnih saradnika-pravnika, 2 istražitelja, 2 međunarodna savjetnika, 6 koordinatora predmeta (od kojih se 2 finansiraju isključivo od strane Ureda registrara), 6 daktilografa i 6 pripravnika.

Stručni saradnici-pravnici i savjetnici pružaju pravne usluge tužiocima, u zavisnosti od tima u koji su raspoređeni, i to na način da vrše analizu pravnih propisa, pišu sažetke predmeta, prijedloge i podneske sudu, pripremaju nacрте optužnica, zahtjeva, prijedloga, asistiraju u organiziranju predmeta za suđenje, dok zajedno sa istražiteljima, po ovlaštenju tužioca ispituju osumnjičene, saslušavaju svjedoke, prisustvuju glavnim pretresima i suđenjima, te obavljaju druge zadatke po nalogu tužioca, sve u svojstvu ovlaštenih službenih osoba kako je to predviđeno u članu 20. stav 1. tačka g) Zakona o krivičnom postupku Bosne i Hercegovine. Međunarodni savjetnici pružaju pomoć u međunarodnim krivičnim istragama.

Radi što efikasnijeg provođenja istraga, u Posebnom odjelu II rad je zasnovan na principu formiranja tužilačkih timova koji se sastoje od jednog ili više tužilaca, stručnih saradnika, stručnih savjetnika i istražitelja kao i drugog administrativnog osoblja. Tužilački timovi, u okviru istraga

koje provode, ostvaruju blisku saradnju sa odgovarajućim timovima različitih agencija za provođenje zakona u ovisnosti od vrste predmeta na kojima rade.

U predmetima u kojima tokom istrage dođe do lišavanja slobode većeg broja osoba (grupe za organizirani kriminal u skladu sa članom 1. stav 20. Krivičnog zakona BiH), više tužilačkih timova zajednički rade na takvom predmetu sa ciljem efikasnog, blagovremenog i zakonitog okončanja istrage.



Slika . Organizaciona šema Posebnog odjela za organizirani kriminal, privredni kriminal i korupciju

U periodu obuhvaćenom ovom informacijom, funkciju rukovodioca Posebnog odjela II, vršio je domaći tužilac i rad odjela zasnovan je isključivo na domaćim kapacitetima, s tim što podršku u radu Odjela II pružaju dva međunarodna savjetnika.

U toku 2009. godine, Posebni odjel II je sve do 01. 07. 2009. godine u svom radu primjenjivao Interne kriterije za raspodjelu predmeta od 20. 07. 2007. godine (Interni kriteriji) kao kriterije za raspodjelu predmeta unutar odjela Tužilaštva BiH broj A-293/07. Od 01. 07. 2009. godine u radu Posebnog odjela II primjenjuju se izmijenjeni kriteriji za raspodjelu predmeta između odjela Tužilaštva BiH broj A-518/09 od 30. 06. 2009. godine, sa Odlukom o raspodjeli predmeta između Posebnog odjela za organizirani kriminal, privredni kriminal i korupciju i Odjela III - glavnog tužioca od 01. 07. 2009. godine. Prema tim kriterijima Posebnom odjelu II raspodjeljuju se:

1. Svi predmeti organiziranog kriminala, organiziranog privrednog kriminala iz nadležnosti Tužilaštva BiH
2. Predmeti za krivična djela terorizma iz člana 201. KZ BiH i krivična djela finansiranja terorističkih aktivnosti iz člana 202. KZ BiH
3. Predmeti za krivična djela trgovine ljudima iz člana 186. KZ BiH i krijumčarenje ljudi iz člana 189. KZ BiH, kada se radi o 10 ili više krijumčarenih osoba odnosno žrtava trgovine ili koji uključuju izuzetno otežavajuće ili posebne okolnosti
4. Predmeti za krivična djela protiv privrede i jedinstva tržišta, te krivična djela iz oblasti carina i glave XVIII čija vrijednost prelazi iznos od 1.000.000,00 KM
5. Predmeti za krivična djela povrede autorskih prava iz glave XXI čija vrijednost prelazi iznos od 1.000.000,00 KM
6. Krivična djela u vezi korupcije visokih dužnosnika Bosne i Hercegovine i odgovornih osoba s najvišim funkcijama u privrednim društvima i drugim pravnim osobama
7. Drugi predmeti u vezi sa ostalim krivičnim djelima, a naročito predmeti krivičnih djela protiv privrede i platnog prometa i krivičnih djela počinjenih od strane službene ili ovlaštene osobe kada je krivično gonjenje od posebne važnosti za Bosnu i Hercegovinu, zbog okolnosti ili načina na koje je djelo izvršeno, o čemu će odlučiti glavni tužilac u dogovoru sa rukovodiocem Posebnog odjela za organizirani kriminal, privredni kriminal i korupciju.

2.2.1. STRUKTURA KRIVIČNIH DJELA U PREDMETIMA POSEBNOG ODJELA II

Rad Posebnog odjela II usmjeren je na predmete koji zadovoljavaju usvojene interne kriterije, odnosno na ozbiljnije i kompleksnije predmete organiziranog kriminala, privrednog kriminala i korupcije.

I dalje se najveći broj predmeta po kojima postupaju tužioci Posebnog odjela II odnosi na predmete koje Tužilaštvu BiH prosljeđuju agencije za provođenje zakona u BiH, ali postoji i određeni broj predmeta koji su ustupljeni na nadležnost od strane drugih tužilaštava iz Republike Srpske, Federacije BiH i Brčko distrikta, kao i predmeti koji su oformljeni na osnovu usmenih ili pismenih prijava građana.

U 2011. godini u Posebnom odjelu II doneseno je 49 naredbi o provođenju istrage protiv ukupno 456 osoba. Nadalje, doneseno je 18 naredbi o neprovođenju istrage protiv 78 osoba, dok je u 18 predmeta donesena naredba o obustavi istrage protiv 179 osoba.

U 2011. godini podignuto je 37 optužnica protiv 141 osobe. Sud BiH je postupajući po optužnicama Posebnog odjela II izrekao 37 presuda protiv ukupno 141 osobe. Tužioci odjela II

su u posmatranom periodu zaključili sa 102 osumnjičena sporazume o priznanju krivice od kojeg broja je Sud prihvatio 94 sporazuma.

Također, 25 predmeta protiv 155 osoba riješeno je na drugi način (ustupanje).


Zatvorske kazne izrečene su u 23 predmeta u odnosu na 82 osobe, uslovne kazne izrečene su u 10 predmeta u odnosu na 39 osoba, dok je novčana kazna izrečena u svega 2 predmeta u odnosu na 2 osobe. Donesena je 1 oslobađajuća presuda u odnosu na 13 osoba, te 1 odbijajuća u odnosu na 5 osoba. U odnosu na sve donesene presude tužioc Posebnog odjela II uložili su žalbe u ukupno 9 predmeta u odnosu na 18 osoba, od kojeg broja su uvažene 3 žalbe u odnosu na 5 osoba, a 10 žalbi u odnosu na 20 osoba je odbijeno. Ostale uložene žalbe nisu riješene u toku posmatranog perioda.

U toku posmatranog perioda u predmetima Posebnog odjela II, izrečene su kazne zatvora u ukupnom trajanju od 161 godine, 11 mjeseci i 15 dana, novčane kazne, kao glavne ili sporedne u ukupnom iznosu od 32.000,00 KM, te je oduzeto različitih oblika imovinske koristi u ukupnoj vrijednosti od 379.580,30 KM i 46.720 eura.

Iz naprijed navedenih podataka vidljivo je da su tužioc u protekloj godini konačnom odlukom riješili 95 predmeta protiv 553 osobe. Radi boljeg razumijvanja neophodno je naglasiti da je u odnosu na svaku osobu valjalo razmotriti predmet sa aspekta postojanja dokaza i krivice, a posebno imajući u vidu broj osoba i broj predmeta eventualne povezanosti osoba u zajedničkom izvršenju krivičnih djela što ove predmete čini posebno teškim i specifičnim.

Posebni odjel je započeo posmatrati period sa ukupno 105 neriješenih izvještaja protiv 710 osoba, dok je u toku posmatranog perioda zaduženo 97 novih predmeta protiv 698 osoba.

Tužioc Posebnog odjela II su u toku 2011 godine saslušali 486 svjedoka u 71 predmetu, ispitali 370 osumnjičenih osoba u 74 predmeta, uradili 59 pritvorskih predmeta sa 191 osobom, vode 102 predmeta sa 218 optuženih u glavnom pretresu, te su ukupno 746 dana prisustvovali glavnim pretresima u toku godine, te provode posebne istražne radnje u 62 predmeta.



Slika 6. Pregled tužilačkih odluka u Posebnom odjelu za organizirani kriminal, privredni kriminal i korupciju u 2011. godini

2.2.2. OSTALE VRSTE PREDMETA


Pored navedenog, Posebni odjel II je u toku 2011. godine radio na 599 KTA predmeta.

Iz prethodne godine preneseno je 380 predmeta, riješeno 245 predmeta, te je zaprimljeno 219 novih predmeta.

Kada je riječ o KTZ predmetima u toku 2011. godine, rađeno je na 13 predmeta. Iz prethodne godine preneseno je 8 predmeta, riješen je 1 predmet, te je zaprimljeno 5 predmeta u tekućoj godini.

Za KTN predmete u toku 2011. godine u radu je bilo 13 predmeta. Iz prethodne godine preneseno je 11 predmeta, zaprimljena u tekućoj godini 2 predmeta i riješeno 5 KTN predmeta.

U vezi KTM predmeta, tužiocu Posebnog odjela II su radili na 3 predmeta, od čega je 1 predmet prenesen iz prethodne godine, riješen je 1 predmet, a ostala su neriješena 2 predmeta.



Slika 7. Pregled KTA, KTZ, KTN, i KTM predmeta u Posebnom odjelu za organizirani kriminal, privredni kriminal i korupciju u 2011. godini

STRUKTURA KRIVIČNIH DJELA ZA KOJA JE PODIGNUTO 38 OPTUŽNICA PROTIV 122 OSOBE

KRIVIČNO DJELO PROPISANO KRIVIČNIM ZAKONOM BOSNE I HERCEGOVINE	BROJ PODIGNUTIH OPTUŽNICA
	predmeti/osobe
Krijumčarenje ljudi, član 189.	2/4
Ugrožavanje osoba pod međunarodnom pravnom zaštitom, član 192.	1/1
Neovlašteni promet oružjem i vojnom opremom te proizvodima dvojne upotrebe, član 193.	1/3
Neovlašteni promet opojnim drogama, član 195.	9/17
Terorizam, član 201.	1/3
Krivotvorenje novca, član 205.	1/2
Pranje novca, član 209.	1/5
Porezna utaja ili prevara, član 210.	3/6
Nedozvoljen promet akciznih proizvoda, član 210a.	2/2
Krijumčarenje, član 214.	3/5
Carinska prevara, član 216.	1/1
Primanje dara i drugih oblika koristi, član 217.	2/2

Nedozvoljena distribucija satelitskog signala, član 246.	1/1
Udruživanje radi činjenja krivičnih djela u vezi sa krivičnim djelom krijumčarenje ljudi, član 189.	3/12
Udruživanje radi činjenja krivičnih djela u vezi sa krivičnim djelom krivotvorenje novca, član 249. u vezi sa članom 220.	1/29
Organizirani kriminal u vezi sa krivičnim djelom krijumčarenje ljudi, član 250. u vezi sa članom 189.	3/8
Organizirani kriminal u vezi sa krivičnim djelom neovlašteni promet oružjem i vojnom opremom te proizvodima dvojne upotrebe, član 250. u vezi sa članom 193.	1/1
Organizirani kriminal u vezi sa krivičnim djelom neovlašteni promet opojnim drogama, član 250. u vezi sa članom 195.	1/14
Organizirani kriminal u vezi sa krivičnim djelom iz člana 287.	1/26

2.2.3. SPECIFIČNI PROBLEMI U RADU POSEBNOG ODJELA II

Problemi Posebnog odjela II uočeni u toku 2011. godine, a koji dobrim dijelom potiču i iz ranijeg perioda, ogledaju se u sljedećem:

- Prostorna distanca velikog broja svjedoka (otežan dolazak svjedoka), iz razloga što se u Posebnom odjelu II rade veoma složeni i kompleksni predmeti u kojima se saslušava veliki broj svjedoka koji nerijetko nisu sa područja Kantona Sarajevo, te je otežan dolazak istih u cilju svjedočenja.
- Problemi vještačenja u složenim predmetima iz razloga što u dosta predmeta koji su u radu Posebnog odjela II tužioci nisu u mogućnosti pronaći adekvatne sudske vještake, te se često angažuju vještaci iz inostranstva što predstavlja velike troškove za Tužilaštvo BiH.
- S obzirom da, kako je već gore navedeno, tužioci Posebnog odjela II rade na najstroženijim predmetima organizovanog kriminala, korupcije, privrednog kriminala i terorizma koji podrazumijevaju i specifična znanja iz raznih područja i oblasti, ukazala se potreba za specijalizovanim obukama tužilaca, stručnih savjetnika i stručnih saradnika koje je nekada moguće provesti samo van Bosne i Hercegovine što zahtijeva veće troškove koje Tužilaštvo ne može pokriti svojim budžetom.

2.3. ODJEL III

2.3.1. KADROVSKA STRUKTURA

Odjel III osnovan je 2003 godine.

U svojoj organizacionoj strukturi i načinu ostvarivanja osnovne funkcije, Odjel III Tužilaštva BiH je i u 2011. godini zadržao dosadašnju strukturu i formu u radu, što znači da u ovom odjelu ne postoje formirani timovi, s tim da se po potrebi zakazuju kolegiji tužilaca gdje tužioci međusobno ostvaruju saradnju, na način da razmjenjuju mišljenja i iskustva u radu, te zajednički prevazilaze probleme sa kojima su suočeni u radu po zaduženim predmetima.

U toku 2011. godine, kadrovska struktura ovog odjela je u odnosu na 2010. godinu promijenjena u značajnom dijelu. Naime, u ovom odjelu u julu 2011. godine rukovodilac odjela je imenovan na mjesto v. d. glavnog tužioca, dok je tužilac također iz ovog odjela izabran na mjesto v. d. rukovodica odjela. Nadalje, početkom mjeseca novembra, jedan tužilac internim premještanjem prebačen je u Posebni odjel za organizirani kriminal, privredni kriminal i korupciju. Napominjemo da je jedan od tužilaca u 2011. godini, kao i prethodne godine, bio član VSTV-a BiH, a samim tim i često angažovan na poslovima u radu tog vijeća.

Prije gore navedenih izmjena, predmeti u Odjelu III su 2011. godine raspoređivani u rad na devet tužilaca (od kojih je jedan tužilac, kao što je gore navedeno, krajem godine premješten u Posebni odjel za organizirani kriminal, privredni kriminal i korupciju, dok je u julu 2011. godine rukovoditeljica Odjela III preuzela funkciju v. d. glavnog tužioca), te krivični predmeti sa kojima su isti bili zaduženi presignirani su ostalim tužiocima u Odjelu III. Gore navedene kadrovske promjene znatno su uticale na broj tužilačkih odluka donesenih tokom 2011. godine, a o čemu će biti govora u nastavku teksta. Broj stručnih savjetnika koji su pomoć u radu pružali svim tužiocima je u odnosu na proteklu godinu u cijelosti ostao nepromijenjen, tj. stručnu pomoć u KT predmetima iz privrede i jedinstva tržišta, te oblasti carina, tužiocima je pružao jedan stručni savjetnik ekonomske struke, kao i jedan stručni savjetnik - pravnik.

Nadalje, podršku u radu tužiocima Odjela III je u posmatranom periodu pružilo i osam stručnih saradnika, s tim da je početkom mjeseca novembra 2011. godine jedan stručni saradnik prebačen u Odjel za ratne zločine, dok je jedan stručni saradnik od kraja mjeseca novembra na bolovanju.

U toku 2011. godine, broj daktilografa u ovom odjelu ostao je nepromijenjen u odnosu na 2010. godinu, tj. tužioci Odjela III su prema unaprijed postignutom dogovoru, u svom radu dijelili šest daktilografa. Tokom posmatranog perioda, Odjel III je imao dva pripravnika i jednog volontera.



Slika 8. Organizaciona šema Odjela III

2.3.2. RASPODJELA PREDMETA

Interni kriterij za raspodjelu predmeta između odjela, koji datira od 30. 06. 2009. godine, statistički gledano, kao i prošle godine, uzrok je znatnog priliva predmeta u Odjel III Tužilaštva BiH, s obzirom da se povećao imovinski cenzus u predmetima krivičnih djela protiv privrede i jedinstva tržišta, krivičnih djela iz oblasti carina i krivičnih djela povrede autorskih prava, koji su prema ranije uspostavljenim Internim kriterijima za raspodjelu predmeta od 20. 07. 2007. godine, inače raspoređivani u rad Posebnom odjelu za organizirani kriminal, privredni kriminal i korupciju. Pored navedenog, povećanje broja krijumčarenih osoba, te osoba - žrtava trgovine ljudima u svim predmetima u odnosu na krivično djelo krijumčarenje osoba iz člana 189. KZ-a BiH i krivično djelo trgovine ljudima iz člana 186. KZ-a BiH, jednim dijelom doprinijelo je također dodatnom prilivu predmeta ove vrste u Odjelu III, a što se u konačnici odrazilo i na ukupan broj predmeta u radu ovog odjela.

Pomenutim Internim kriterijima od 20. 07. 2007. godine i izmjenom istih, u nadležnost Odjela III Tužilaštva BiH određeni su sljedeći predmeti:

1. Predmeti svih krivičnih djela iz nadležnosti Tužilaštva BiH osim:

- krivičnih djela iz djelokruga rada Posebnog odjela za ratne zločine u smislu člana II Internih kriterija za raspodjelu predmeta,
- krivičnih djela iz djelokruga rada Posebnog odjela za organizirani kriminal, privredni kriminal i korupciju u smislu člana III Internih kriterija,

2. Predmeti po krivičnim djelima korupcije koja počine službene osobe i odgovorne osobe, a koje nisu visoki dužnosnici niti odgovorne osobe s najvišim funkcijama u privrednom društvu ili drugim pravnim osobama u smislu tačke 6. člana III navedenih kriterija,

3. Predmeti u vezi zahtjeva za izručenje, molbi za pružanje pravne pomoći i pitanja iz oblasti međunarodne pravne pomoći i saradnje .

U cilju pojašnjenja naprijed navedenog, neophodno je istaći da Odjel III u skladu sa pomenutim kriterijima radi na svim predmetima iz nadležnosti Tužilaštva BiH, uključujući i neke predmete organiziranog kriminala koje glavni tužilac svojom odlukom signira u rad tužiocima ovog odjela, osim predmeta u vezi sa krivičnim djelom terorizma iz člana 201. KZ-a BiH i krivičnim djelom finansiranja terorističkih aktivnosti iz člana 202. KZ-a BiH, te drugih predmeta u vezi sa ostalim krivičnim djelima iz nadležnosti Tužilaštva BiH, među kojima naročito predmeti krivičnih djela upravljenih protiv privrede, platnog prometa i/ili krivična djela počinjena od strane službene ili ovlaštene osobe, uvijek kada je krivično gonjenje u tim predmetima, zbog okolnosti ili načina na koji je djelo izvršeno, od posebne važnosti za Bosnu i Hercegovinu i kada to odluči glavni tužilac u dogovoru sa rukovodiocem Posebnog odjela za organizirani kriminal, privredni kriminal i korupciju.

Nadalje, imovinski cenzus odlučan za raspodjelu predmeta u rad Odjelu III, izmjenama internih kriterija je povećan sa ranijih 100.000,00 KM na 1.000.000,00 KM u odnosu na krivična djela iz glave XVIII KZ-a BiH, tj. krivična djela protiv privrede i jedinstva tržišta, te krivična djela iz oblasti carina, a što je najbolji pokazatelj priliva predmeta u ovom odjelu. Pored navedenog, pomenute izmjene Internih kriterija također su pomakle granicu ranije određenog imovinskog cenzusa i kada su u pitanju krivična djela povrede autorskih prava iz glave XXI KZ-a BiH, budući da su prije ovih izmjena Odjelu III usmjeravani u rad predmeti navedenih krivičnih djela,

pod uslovom da imovinska vrijednost pribavljena izvršenjem istih nije izlazila iz okvira novčanog iznosa od 100.000,00 KM, da bi nakon usvojenih izmjena imovinski cenzus kada su u pitanju ova krivična djela, bio povećan na 1.000.000,00 KM. Novousvojeni princip raspodjele predmeta od 30. 06. 2009. godine, odredio je u nadležnost Odjela III i predmete trgovine ljudima iz člana 186. KZ-a BiH i krijumčarenje osoba iz člana 189. KZ-a BiH, uvijek kada je u iste involvirano manje od deset žrtava trgovine ljudima ili krijumčarenih osoba, isključujući s tim u vezi predmete, nastale kao posljedica izvršenja krivičnih djela pod izuzetno otežavajućim ili posebnim okolnostima. Posmatrajući ove izmjene internih kriterija s osvrtom na one koji su prije bili na snazi, evidentno je da je povećanje broja žrtava trgovine ljudima i krijumčarenih osoba u navedenim predmetima nužna posljedica dodatnog priliva predmeta u Odjel III, uzimajući pri tom u obzir da su prema internim kriterijima od 20. 07. 2007. godine Odjelu III u rad raspoređivani ovi predmeti samo kada je u iste bilo uključeno manje od pet krijumčarenih osoba ili žrtava trgovine ljudima.

2.3.3. AKTIVNOSTI U PREDMETIMA PRUŽANJA MEĐUNARODNE PRAVNE POMOĆI

Vrlo je bitno naglasiti postupanje Odjela III po predmetima koji se tiču pružanja međunarodne pravne pomoći i izvršenja međunarodnih ugovora u krivičnopravnim stvarima, odnosno, predmetima izručenja osumnjičenih, optuženih i osuđenih osoba (KTZ predmeti).

Naime, ovdje se radi o vrlo značajnim predmetima koji predviđaju provođenje postupka ekstradicije, preuzimanje krivičnog gonjenja od strane države, preuzimanje izvršenja krivičnih sankcija izrečenih u drugim državama od strane Bosne i Hercegovine, te pružanje pravne pomoći u smislu provođenja istražnih radnji (prikupljanja dokaza, saslušanja svjedoka i sl.). U ovim predmetima postupa se u skladu sa konvencijama koje je ratifikovala Bosna i Hercegovina, te u skladu sa međunarodnim bilateralnim, odnosno multilateralnim sporazumima koje je Bosna i Hercegovina potpisala sa drugim državama, usljed čega je pružanje pravne pomoći i stvarna obaveza za Bosnu i Hercegovinu.

U radu po ovim predmetima pored Zakona o međunarodnoj pravnoj pomoći u krivičnim stvarima direktno se primjenjuju i međunarodne konvencije, i to:

- Evropska konvencija o međusobnom pružanju pravne pomoći u krivičnim stvarima, Strazbur 20. 04. 1959. g.,

- Evropska konvencija o ekstradiciji, Pariz, 13. 12. 1957. g.,
- Dodatni protokol uz Evropsku konvenciju o ekstradiciji, Strazbur 15. 10. 1975. g.,
- Drugi dodatni protokol uz Evropsku konvenciju o ekstradiciji, Strazbur 17. 03. 1978. g.,
- Evropska konvencija o prenosu postupka u krivičnim stvarima, Strazbur, 15. 03. 1972. g.,
- Evropska konvencija o transferu osuđenih osoba, Strazbur, 21. 03. 1983. g.,
- Evropska konvencija o obavještenju o stranom pravu, London, 07. 06. 1968. g.
- Dodatni protokol Evropskoj konvenciji o uzajamnoj pomoći u krivičnim stvarima, Strazbur, 17. 03. 1978. g.
- Konvencija o centru za provođenje zakona u jugoistočnoj Evropi, Bukurešt 26. 05. 1999. godine.

Osim navedenih konvencija, Bosna i Hercegovina je notifikacijom o sukcesiji preuzela veliki broj međunarodnih bilateralnih ugovora o pravnoj pomoći.

Od posebne važnosti za Bosnu i Hercegovinu je ratifikacija Ugovora o autorskom pravu Svjetske organizacije za intelektualno vlasništvo usvojenog na Diplomatskoj konferenciji dana, 20. 01. 1996. godine, s obzirom da je u Bosni i Hercegovini iz godine u godinu evidentan porast krivičnih djela povrede autorskih prava.

2.3.4. ZAPRIMLJENI PREDMETI, PREDMETI U RADU, KAO I OKONČANI PREDMETI

2.3.4.1. KT PREDMETI

Odjel III je u 2011. godini imao u radu ukupno 621 KT predmet protiv 1130 osoba, od kojih je 318 predmeta u odnosu na 603 prijavljene osobe preneseno iz ranijih godina, dok su 303 predmeta u odnosu na 527 osoba zaprimljena tokom posmatranog perioda.

Od ukupnog broja KT predmeta, tužiocu ovog odjela su tokom 2011. godine u skladu sa članom 216. stav 1. i 2. ZKP-a BiH, donijeli 245 naredbi o provođenju istrage protiv 385 osoba, te su na osnovu odredbi člana 216. st. 3. ZKP-a BiH u 2011. godini u 141 predmetu donesene naredbe o neprovođenju istrage prema 251 osobi. Tužiocu Odjela III su u toku 2011. godine, u skladu sa odredbama člana 224. stav 1. ZKP-a BiH, u 98 predmeta donijeli naredbe o obustavi istrage protiv 174 osobe sa svim popratnim obavještenjima propisanim članom 224. stav 2. ZKP-a BiH. U posmatranom periodu, na drugi način, tj. ustupanjem, riješeno je ukupno 55 KT predmeta prema 102 osobe.

Nadalje, činjenica je da u Odjelu III postoji veliki broj predmeta u kojima je potrebno da se provedu neophodna vještačenja kada su u pitanju pojedina krivična djela u predmetima privrednog kriminala, zbog njihove složenosti, isti obično traju duži vremenski period, to nužno za posljedicu ima probijanje navedenog šestomjesečnog roka zakonom određenog za okončanje istrage. Osim navedenog, s obzirom da je među prijavljenim osobama-počiniocima navedene vrste krivičnih djela, veliki broj državljana NR Kine, veliki problem u radu također predstavljaju i nedostatak prevodioca kineskog jezika, a često i nedostupnost tih stranih državljana ovom Tužilaštvu, koji u velikom broju slučajeva nakon učinjenja nekog od naprijed navedenih krivičnih djela, u cilju izbjegavanja krivične odgovornosti, napuštaju teritoriju Bosne i Hercegovine uništavajući prethodno svu dokumentaciju o poslovanju, a time i dokaze neophodne za dokumentovanje prijavljenog krivičnog djela.

Naprijed navedene naredbe o provođenju istrage rezultirale su podizanjem 192 optužnice u KT predmetima protiv 245 osoba, sa sljedećom strukturom krivičnih djela:

Red. br.	Naziv krivičnog djela	Broj podignutih optužnica prema predmetima	Broj podignutih optužnica prema osobama
1.	Krivotvorenje novca čl. 205. KZ-a BiH	38	54
2.	Nedozvoljeno korištenje autorskih prava čl. 243. KZ-a BiH	64	66
3.	Krijumčarenje ljudi čl. 189. KZ-a BiH	8	18
4.	Porezna utaja čl. 210. KZ-a BiH	22	25
5.	Nezakonito uskraćivanje identifikacionih dokumenata čl. 149a. KZ-a BiH	1	1
6.	Krijumčarenje čl. 214. KZ-a BiH	25	38
7.	Neovlašten promet opojnim drogama čl. 195. KZ-a BiH	2	3
8.	Neplaćanje poreza čl. 211. KZ-a BiH	3	3
9.	Carinska prevara čl. 216. KZ-a BiH	5	6
10.	Davanje dara i drugih oblika koristi čl. 218. KZ-a BiH	5	5
11.	Pronevjera u službi čl. 221. KZ-a BiH	1	3
12.	Trgovina ljudima čl. 186. KZ-a BiH	2	2
13.	Zakon o ravnopravnosti spolova čl. 29.	4	4
14.	Primanje dara i drugih oblika koristi čl. 217. KZ-a BiH	1	1
15.	Pranje novca čl. 209. KZ-a BiH	3	4
16.	Povreda slobode opredjeljenja birača čl. 151. KZ-a BiH	1	2
17.	Krivotvorenje znakova za vrijednost čl. 207. KZ-a BiH	1	1
18.	Prevara u službi čl. 222. KZ-a BiH	1	1
19.	Otkrivanje identiteta zaštićenog svjedoka čl.240. KZ-a BiH	1	2
20.	Davanje lažnog iskaza čl. 235. KZ-a BiH	1	1
21.	Ometanje rada pravosuđa čl. 241. KZ-a BiH	1	2

22.	Izazivanje nacionalne, rasne i vjerske mržnje, razdora i netrpeljivosti čl. 145a. KZ-a BiH	1	1
23.	Nedozvoljeno skladištenje robe čl. 210b. KZ-a BiH	1	2

Zaključno sa 31. 12. 2011. godine, Sud Bosne i Hercegovine je potvrdio 193 optužnice prema 243 osobe. Tokom posmatranog perioda, tužioci Odjela III su u 104 predmeta zaključili sporazum o priznanju krivice sa 126 osoba, koji je tokom izvještajnog perioda prihvaćen u 101 predmetu prema 121 osobi, dok je u 1 predmetu protiv 1 osobe odbijen.

Podizanje optužnica tokom 2011. godine rezultiralo je izricanjem 170 presuda u odnosu na 218 osoba, od kojih 154 osuđujućih prema 194 osobe i to: u 14 predmeta prema 16 osoba izrečena je zatvorska kazna u ukupnom trajanju od 11 godina, pri čemu su se pojedinačno izrečene zatvorske kazne kretale u rasponu od 3 mjeseca do 1 godine, zatim, u 19 predmeta prema 21 osobi izrečena je novčana kazna, i to kao glavna kazna glasila je na ukupan novčani iznos od 62.500,00 KM, a kao sporedna kazna, na ukupan novčani iznos od 22.000,00 KM.


Uslovna osuda je izrečena u 121 predmetu prema 157 osoba.

U izvještajnom periodu oduzeta je imovinska korist pribavljena izvršenjem krivičnih djela u ukupnom novčanom iznosu od 1.068.754,57 KM i 3.000,00 eura.

Tokom 2011. godine Sud BiH je donio 16 oslobađajućih presuda u odnosu na 24 osobe. U izvještajnom periodu u Odjelu III nije bilo odbijajućih presuda.


Nezadovoljni donesenim odlukama Suda BiH, tužioci ovog odjela uložili su 15 žalbi (u odnosu na 22 osobe), od kojih je 5 uvaženo (prema 13 osoba), 5 je odbijeno (prema 8 osoba), a u preostalim izjavljenim žalbama do kraja izvještajnog perioda nije donesena sudska odluka.

Također je potrebno napomenuti da su tužioci Odjela III u izvještajnom periodu prisustvovali na cca 891 ročištu. Nadalje, ističemo u 4 predmeta za 4 osobe u Odjelu III određen je pritvor.



Slika 9. Pregled tužilačkih odluka u KT predmetima odjela III u 2011. godini

U posmatranom periodu potrebno je naglasiti od 621 predmeta protiv 1130 osoba, koji su bili u radu u 2011. godini, konačnim tužilačkim odlukama riješeno je 486 predmeta protiv 772 osobe, a što od ukupnog broja predmeta koji su bili u radu u 2011. godini iznosi 78%.



Slika 10. Prikaz riješenih KT predmeta Odjela III u 2011. godini

2.3.4.2. KTA PREDMETI

U periodu od 01. 01. do 31. 12. 2011. godine, Odjel III je imao u radu ukupno 757 KTA predmeta, od kojih je 350 predmeta preneseno iz ranijih godina, dok je u posmatranoj godini

zaprimito 407 predmeta. Tužiocima Odjela III su u 2011. godini završili ukupno 534 KTA predmeta, tako da su u radu ostala 223 neriješena predmeta te vrste, te treba imati u vidu činjenicu da navedeni predmeti zahtijevaju posebnu pažnju tužilaca budući da se u predmetima sa ovom oznakom zavode revizioni izvještaji, neizvršenje presuda Ustavnog suda BiH, te događaji nakon izvršenih izbora u BiH za koje postoji osnov sumnje da mogu biti kvalifikovani kao izborne prevare i zloupotreba biračkog prava, a s obzirom da izvještaji za ove informacije i općenito ulazne informacije u Tužilaštvo BiH ne dostavljaju Agencije za provođenje zakona nego razni organi i institucije, u istim se, u cilju utvrđivanja da li određeni događaji uopšte predstavljaju krivično djelo, provodi niz istražnih radnji koje nerijetko traju duži vremenski period. U nekim od KTA predmeta su tokom 2011. godine provedene posebne istražne radnje, koje obzirom na njihovu složenost, također zahtijevaju posebnu pažnju u radu tužilaca kao i duži vremenski period za njihovo okončanje.

2.3.4.3. KTZ PREDMETI

U izvještajnom periodu Odjel III je imao u radu ukupno 159 KTZ predmeta u vezi sa 203 osobe, koji se odnose na postupke pružanja međunarodne pravne pomoći, izručenja osoba i izvršenja inostranih sudskih odluka, od kojih je 21 predmet u vezi sa 25 osoba prenesen iz ranijih godina, dok je u 2011. godini zaprimljeno 138 predmeta u vezi sa 178 osoba. U 2011. godini je od ukupnog broja KTZ predmeta završeno 127 predmeta prema 162 osobe, dok su u radu ostala još 32 predmeta u odnosu na 41 osobu.

2.3.4.4. KTM PREDMETI


U pogledu predmeta koji se odnose na maloljetne počinioce krivičnih djela, Odjel III je u 2011. godini imao u radu ukupno 10 KTM predmeta u odnosu na 11 maloljetnih. osoba, od kojih je iz ranijih godina ostalo u radu 5 predmeta u odnosu na 6 maloljetnih. osoba, dok je u 2011. godini zaprimljeno 5 KTM predmeta prema 5 maloljetnih. osoba. Tokom 2011. godine, od ukupnog broja predmeta koji se odnose na maloljetne počinioce krivičnih djela, tužiocima ovog odjela su donijeli 7 naredbi o nepokretanju postupka prema 8 maloljetnih osoba. Od ukupnog gore navedenog broja tužiocima Odjela III riješili su ukupno 9 predmeta prema 10 maloljetnih. osoba, dok je na kraju izvještajne godine ostao u radu 1 KTM predmet u odnosu na 1 maloljetnu osobu.

2.3.4.5. KTN PREDMETI

Protiv nepoznatih počinitelja krivičnih djela, Odjel III je u izvještajnom periodu imao u radu ukupno 104 predmeta, od kojih su iz ranijih godina prenesena 43 predmeta, dok je u 2011. godini zaprimljen 61 predmet. Na kraju izvještajnog perioda, tužiocu Odjela III riješili su 84 predmeta, dok je u radu ostalo još 20 predmeta.

2.3.4.6. A PREDMETI


Odjel III je u 2011. godini imao u radu ukupno 175 A predmeta, od kojih je iz ranijih godina preneseno 29, dok je u toku 2011. godine zaprimljeno 146 predmeta, od kojih su zaključno sa 31. 12. 2011. godine okončana 94 predmeta, dok je u 2012. godini prenesen 81 neriješeni predmet.



Slika 10. Pregled KTA, KTM, KTN, KTZ i A predmeta u Odjelu III u 2011. godini

2.3.4.7. UKUPAN RAD NA SVIM PREDMETIMA

U toku 2011. godine od ukupnog broja predmeta 1826 sa kojima su u posmatranom periodu bili zaduženi tužiocu Odjela III, tužiocu su tužilačkim odlukama i na drugi način riješili ukupno 1334 predmeta, što od ukupnog broja predmeta sa kojima su bili zaduženi tužiocu čini 73 %.



Slika 11. Prikaz riješenih svih predmeta u Odjelu III u 2011. godini

2.3.5. OSTALE AKTIVNOSTI

U cilju stručnog osposobljavanja, tužioc, stručni savjetnik i stručni saradnici Odjela III su u 2011. godini sudjelovali na seminarima održanim u organizaciji Centara za edukaciju sudija i tužilaca, te su svi ispunili obavezni broj dana prisustvovanja tim seminarima, što podrazumijeva četiri dana za tužioce, a osam za stručne saradnike. Na ovom mjestu neophodno je istaći da su u posmatranom periodu tužioc ovog odjela, iz navedenih razloga bili spriječeni posvetiti se radu na zaduženim predmetima ukupno 87 dana. Jedan od tužilaca iz Odjela III u 2011. godini, na seminaru u organizaciji Cesta, prisustvovao je kao edukator i predavač, na način da je svoje znanje i iskustvo prezentovao na temu Intelektualno vlasništvo u BiH - krivičnopravni aspekti. Pored toga, tužioc ovog odjela su tokom 2011.godine također uzeli obavezno učešće i u radu brojnih radnih grupa i konferencija koje su održavane u organizaciji raznih državnih ustanova i institucija, te nevladinih organizacija na području Bosne i Hercegovine, ali i na regionalnim i međunarodnim seminarima, budući da se samo u Odjelu III Tužilaštva BiH obavljaju poslovi pružanja međunarodne pravne pomoći.

Rukovodilac Odjela III u prvoj polovini 2011. godine, po odluci VSTV-a br.13-02-456/2011 od 31. 01. 2011. godine, kao član Radne grupe u projektu "Podrška pravosuđu u BiH – jačanje tužilačkih kapaciteta u sistemu krivičnog pravosuđa", nakon višemjesečnog rada dostavila je Izvještaj VSTV-u, u kojem su, za unapređenje vođenja krivičnih istraga u Bosni i Hercegovini, navedene praktične preporuke usmjerene, kako na izmjenu KZ-a, ZKP-a, unapređenja uputstava, podzakonskih akata, tako i na postojeće potrebe za edukaciju i unapređenje istraživačkih znanja i umijeća tužilaca i ovlaštenih službenih osoba u Bosni i Hercegovine, te su

istaknuti najbolji načini za implementaciju istih, a sve u svrhu uspješnijeg vođenja istraga u Bosni i Hercegovini, što je bio i osnovni cilj projekta.

2.3.6. SPECIFIČNI PROBLEMI U RADU

- Odjel III je, kao i u ranijim godinama, bio odjel sa najmanjim brojem tužilaca, najvećim brojem zaprimljenih predmeta, ali sa najvećim brojem donesenih odluka. Veliki broj zakazanih pretresa također predstavlja poteškoću u svakodnevnom radu, imajuću u vidu nedovoljan broj tužilaca. Također treba naglasiti činjenicu da, u odnosu na ostala dva odjela Tužilaštva BiH, samo Odjel III u radu ne uživa podršku Ureda registrara BiH.

- S obzirom da se samo u Odjelu III Tužilaštva BiH obavljaju poslovi pružanja međunarodne pravne pomoći, svi tužioci su, osim učesća na seminarima održanim u organizaciji Centara za edukaciju sudija i tužilaca, bili obavezni sudjelovati u radu brojnih radnih grupa i konferencija koji su održavani u organizaciji raznih državnih ustanova i institucija, te nevladinih organizacija, a što je za njih, s obzirom na broj predmeta u radu, predstavljalo dodatno opterećenje.

- Značajno je ovdje istaći da je jedan od tužilaca Odjela III kontakt tačka za pružanje međunarodne pravne pomoći, u okviru mreže tužilaca jugoistočne Evrope. Pored navedenog, nerijetko obaveze prisustva na međunarodnim seminarima padaju na teret tužilaca Odjela III, a što zahtijeva određene pripreme i odsustvo s rada, pa se to u krajnjem slučaju odražava i na broj tužilačkih odluka, pored svih drugih problema u ovom odjelu.

- Tokom posmatranog perioda, nastavljen je i priliv velikog broja KTA predmeta, u kojima materijal dostavljen od strane policijskih agencija o istim predstavlja obavještajne podatke iz kojih nisu proizlazili osnovi sumnje da su počinjena krivična djela, kao i onih KTA predmeta za čije postupanje u startu nije bilo nadležno Tužilaštvo BiH, koji predmeti su zahtijevali angažovanje tužilaca u radu po istim, a koje angažovanje ih je i ove godine, kao i prošle, onemogućavalo da sve snage preusmjere na rad po KT predmetima. Osim navedenog, veliki problem u radu također predstavlja i nedostatak samostalnosti u radu policijskih organa, kao i dostava često nepotpune dokumentacije, koja samim tim usporava rad tužilaca.

3. UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA

Kolona „Privredni kriminal“ predstavlja brojčani pokazatelj koji se odnosi na krivična djela iz glava XVIII i XIX Krivičnog zakona Bosne i Hercegovine i predstavlja zbirne podatke o radu Odjela II i III Tužilaštva BiH na toj vrsti predmeta (imajući na umu Interne kriterije o raspodjeli predmeta, o kojima je bilo riječi u prethodnim glavama ove Informacije).

Kolona „Opći kriminal“ predstavlja brojčani pokazatelj preostalih krivičnih djela iz Krivičnog zakona Bosne i Hercegovine i također predstavlja zbirne podatke o radu Odjela II i III Tužilaštva BiH, izuzev pojedinih krivičnih djela iz glave XVII KZ BiH koja su svrstana u kolonu „Ratni zločin“ i po kojima postupa Odjel I.

TABELARNI PRIKAZI RADA TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA ZA PERIOD OD 01. 01. -31. 12. 2011.

Tabela I: Podaci o prijavama iskazani po osobama/predmetima za period 01. 01.-31. 12. 2011.

Vrsta predmeta "Kt"	Neriješeno prijava iz ranijih godina	Primljeno prijava u toku izvještajnog perioda	Ukupno u radu prijava u toku izvještajnog perioda	Riješeno prijava u toku izvještajnog perioda	Djelimično riješeno prijava u toku izvještajnog perioda	Neriješeno prijava na kraju izvještajnog perioda
KOLONA =	I	II	III (III = I+II)	IV	V	VI VI = III -IV
Privredni kriminal	797/295	761/247	1558/542	787/325	0/27	771/217
Ratni zločin	2606/294	506/87	3112/381	160/84	46/7	2952/297
Opći kriminal	516/128	464/154	980/282	586/198	0/22	394/84
Ukupno	3919/717	1731/488	5650/1205	1533/607	46/56	4117/598

Tabela II: Podaci o istragama iskazani po osobama/predmetima za period 01.01.-31.12.2011.

Vrsta predmeta "Kt"	Neriješene istrage iz ranijih godina	Naređeno istraga u toku izvještajnog perioda	Ukupno u radu istraga u toku izvještajnog perioda	Ukupno riješeno istraga u toku izvještajnog perioda	Djelimično riješeno istraga u toku izvještajnog perioda	Broj <u>neriješenih</u> istraga na kraju izvještajnog perioda
KOLONA =	I	II	III (III = I+II)	IV	V	VI VI = III - IV
Privredni kriminal	599/193	458/173	1057/366	448/196	0/12	609/170
Ratni zločin	1034/288	91/43	1125/331	96/76	24/11	1029/255
Opći kriminal	326/98	384/122	710/220	345/150	0/14	365/70
Ukupno	1959/124	933/338	2892/917	889/422	24/37	2003/495

Tabela III: Vrste procesnih odluka donesenih u Kt predmetima po osobama/predmetima u periodu 01.01.-31.12.2011.

Vrsta predmeta "Kt"	U fazi rješavanja prijava			U fazi rješavanja istraga		
	Broj naredbi o neprovođenju istrage	Broj naredbi o provođenju istrage	Riješeno na drugi način	Broj naredbi o obustavi istrage	Broj podignutih optužnica	Riješeno na drugi način
KOLONA =	I	II	III	IV	V	VI
Privredni kriminal	224/117	458/173	105/35	225/78	194/117	29/1
Ratni zločin	40/16	91/43	29/25	37/18	43/28	16/30
Opći kriminal	105/42	384/122	97/34	127/31	192/107	26/12
Ukupno	369/175	933/338	231/94	389/252	429/252	71/43

Tabela IV: Podaci o podignutim optužnicama iskazani po osobama/predmetima

Vrsta predmeta "K"	Broj optužnica podignutih prije izvještajnog perioda, a u kojima do 1.1.2011. nije bila donesena odluka o potvrđivanju ili odbijanju potvrđivanja	Ukupni broj podignutih optužnica u toku izvještajnog perioda	Ukupni broj podignutih optužnica u toku izvještajnog perioda*	Ukupni broj potvrđenih optužnica u toku izvještajnog perioda*	Broj optužnica čije je potvrđivanje odbijeno	Broj optužnica donesena odluka o potvrđivanju	Optužnica njelema na drugi način	Broj optužnica podignutih u toku izvještajnog perioda, a u kojima za 31.12.2011. nije donesena odluka o potvrđivanju ili odbijanju potvrđivanja	Broj optužnica u kojima za potvrđenih nakon potvrđivanja
KOLONA =									
Povredni kriminal	3/3	194/117	197/120	191/117	2/1	0/0	0/0	4/2	0/0
Radni zločin	3/3	43/28	46/31	35/27	1/1	0/0	0/0	10/3	0/0
Opći kriminal	6/3	192/107	198/110	195/109	0/0	0/0	3/1	0/0	0/0
Ukupno	12/9	429/252	441/261	421/253	3/2	0/0	3/1	14/3	0/0

Vrsta predmeta "K"	Broj optužnica podignutih u toku izvještajnog perioda*			Broj potvrđenih optužnica u toku izvještajnog perioda*		
	sa kurvičnim nalogom	bez kurvičnog naloga	sa predloženim sporazumom o priznanju krivice	sa kurvičnim nalogom	bez kurvičnog naloga	sa predloženim sporazumom o priznanju krivice
KOLONA =	X	XI	XII	XIII	XIV	XV
Povredni kriminal	23/16	159/91	12/10	22/15	157/92	12/10
Radni zločin	0/0	41/26	2/2	0/0	33/25	2/2
Opći kriminal	40/38	129/54	23/15	40/39	132/55	23/15
Ukupno	63/54	329/171	37/27	62/54	322/172	37/27

Tabela V: Podaci o vremenskoj strukturi potvrđenih, a ne riješenih optužnica iskazanih po osobama/predmetima za period 01.01.-31.12.2011.



Vrsta predmeta "Kt"	Ukupno broj potvrđenih optužnica na dan 01.01.2011.							Ukupno broj potvrđenih optužnica u toku izvještajnog perioda	Ukupno broj potvrđenih optužnica donoštenjem odluke suda u toku izvještajnog perioda	Ukupno broj ne riješenih optužnica na dan 31.12.2011.
	I	II	III	IV	V	VI	VII			
KOLONA =										
Privredni kriminal	12/6	4/3	6/5	9/6	20/13	92/46	143/79	188/115	143/79	
Ratni zločin	1/1	3/1	8/6	11/5	24/8	28/19	75/40	27/19	75/40	
Opći kriminal	9/2	4/3	0/0	5/5	19/6	80/29	117/45	211/112	117/45	
Ukupno	22/9	11/7	14/11	25/16	63/27	200/94	335/164	421/253	335/164	



Tabela VI: Podaci o vrstama sudskih odluka iskazani po osobama/predmetima za period 01.01.-31.12.2011.

Vrsta predmeta "K"	Broj predmeta u kojima je donesena odluka u toku izvršitnog perioda:										Eroj predmeta u kojima je potvrđena optužnica nakon potvrdjenja do početka glavnog prestesa	Eroj predmeta u kojima je potvrđena optužnica do početka glavnog prestesa	Eroj predmeta u kojima je došlo do odustanka od optužnice do završetka glavnog prestesa	
	Osuđujuće presude / izrečene kazne						Ukupno osuđujućih presuda	Ukupan broj donesenih sudskih odluka	XI	XII				XIII
	I	II	III	IV	V	VI								
Priredni kriminal	1/1	3/0	28/12	0/0	19/14	6/5	107/66	0/0	0/0	132/85	164/98	0/0	0/0	0/0
Radni zločin	0/0	0/0	4/2	0/0	19/15	0/0	0/0	0/0	0/0	19/15	23/17	0/0	0/0	0/0
Opći kriminal	2/1	2/1	9/5	0/0	79/23	17/16	89/65	0/0	0/0	185/104	195/111	1/0	0/0	0/0
Ukupno	3/2	5/1	41/19	0/0	117/52	23/21	196/131	0/0	0/0	336/204	385/228	1/0	0/0	0/0


Vrsta predmeta "K"	Sporazumi o priznanju krivice				KOLONA =
	broj predloženih sporazuma	broj odbijenih sporazuma	osudjujuće presude po sporazumu o priznanju krivice	broj predloženih sporazuma kojima sud nije odbio	
Priredni kriminal	86/60	1/1	86/62	11/5	
Radni zločin	8/8	0/0	8/8	0/0	
Opći kriminal	127/63	1/0	120/59	9/5	
Ukupno	221/131	2/1	214/129	20/10	

**GRAFIČKI PRIKAZI POTVRĐENIH OPTUŽNICA U PERIODU OD PRIJE
2007.GODINE DO KRAJA 2011. GODINE**





GRAFIČKI PRIKAZI UKUPNO DONESENIH TUŽILAČKIH ODLUKA U 2011. GODINI



4. DRUGI VIDOVI DJELOVANJA

4.1. UVOD

U prethodnim dijelovima ove informacije prikazan je rad i rezultati rada tužilačkih odjela. Djelovanje pojedinačnih odjela uprave nije prikazano s obzirom da ovi odjeli kako je to i izneseno u uvodnom dijelu ove informacije podržavaju rad tužilačkih odjela i njihovo djelovanje reflektira se kroz te odjele.

S obzirom da Kabinet glavnog tužioca predstavlja jedinicu iz koje se organizira ukupan rad Tužilaštva u ovom poglavlju će se prezentirati djelovanje navedenog Kabineta.

Od značaja je za ostvarivanje funkcije Tužilaštva i provođenje aktivnosti koje ne spadaju u postupanje po pojedinačnim krivičnim predmetima i bitnije od ovih aktivnosti također nalaze mjesto u ovom poglavlju informacije.

4.2. DJELOVANJE KABINETA GLAVNOG TUŽIOCA

Kabinet glavnog tužioca je i u 2011. godini kao administrativni centar glavnog tužioca vršio svoje redovne poslove administracije svih podnesaka naslovljenih glavnom tužiocu Tužilaštva.

Kabinet je pružao podršku Kolegiju v. d. glavnog tužioca koji se sastoji od vršioca dužnosti glavnog tužioca, zamjenika glavnog tužioca i rukovodioca Posebnog odjela za ratne zločine, rukovodilaca Posebnog odjela za organizirani kriminal, privredni kriminal i korupciju i Odjela III, tužioca koji je član Visokog sudskog i tužilačkog vijeća Bosne i Hercegovine i sekretara Tužilaštva. Kolegij v. d. glavnog tužioca u toku protekle godine održavao je kontinuirane sedmične sastanke radi usaglašenog rješavanja aktuelnih pitanja vezanih za rukovođenje i planske aktivnosti Tužilaštva. Sastancima Kolegija v. d. glavnog tužioca po potrebi prisustvuju i drugi tužioc i ili zaposlenici, radi referisanja ili učestvovanja u odlučivanju po tematskim pitanjima.

Kabinet istovremeno pruža podršku glavnom tužiocu i zamjenicima glavnog tužioca u sastancima sa različitim institucionalnim i vaninstitucionalnim subjektima koji se obraćaju glavnom tužiocu za uključenje i postupanje u skladu sa zakonom, te priprema različite podneske kao odgovore na ovakva traženja i zahtjeve. Kabinet učestvuje i u strateškim aktivnostima Tužilaštva BiH, sačinjavajući analize i izvještaje o konkretnim aspektima rada, radi pripreme i predstavljanja Tužilaštva od strane glavnog tužioca na različitim radnim i tematskim konferencijama i savjetovanjima. Na polju asistencije glavnom tužiocu, Kabinet priprema i

interne akte kojima se koordiniše jednoobrazno djelovanje svih odjela Tužilaštva BiH u konkretnim i aktuelnim pravnim pitanjima iz krivičnopravne oblasti.

Kabinet u svom sastavu, pored tehničkog sekretara, prevodioca i vozača, ima i stručne savjetnike pravnike koji pružaju podršku radu glavnog tužioca.

U okviru Kabineta glavnog tužioca rješavaju se žalbe na odluke tužilaca o neprovođenju ili obustavi istrage u pojedinim predmetima. U toku protekle godine zaprimljeno je ukupno 48 žalbi na odluke u 46 predmeta, od kojih su u posmatranom periodu riješene 34 žalbe (31 primljena u toku 2011.godine i 3 žalbe primljene u toku 2010. godine).

Istovremeno, Kabinet i dalje vodi kontinuiranu evidenciju i prati tok postupaka povodom apelacija pred Ustavnim sudom BiH, a vezane su za krivične postupke pred Sudom BiH u kojima postupa ili je postupao tužilac Tužilaštva.

4.3. AKTIVNOSTI NA RAZVIJANJU MEHANIZAMA SARADNJE SA AGENCIJAMA ZA PROVOĐENJE ZAKONA

Tokom 2011. godine, nastavili su se održavati kontinuirani sastanci koordinacije direktora policijskih agencija u BiH, glavnog tužioca Tužilaštva BiH i predstavnika Ministarstva sigurnosti Bosne i Hercegovine.

Na ovim sastancima, razgovarano je o aktuelnim temama vezanim za saradnju policije i tužilaca u Bosni i Hercegovini. Sudionici sastanka su razgovarali o mogućnostima za prevazilaženje praktičnih poteškoća u radu policije i sigurnosnih agencija na terenu, koordiniranju i analizi združenih policijskih akcija, koje su provedene diljem Bosne i Hercegovine, kao i o drugim bitnim temama koje se odnose na stanje sigurnosti u Bosni i Hercegovini.

U posmatranom periodu sastanci koordinacije održani su u Brčkom, 03. i 04. februara, zatim u Međugorju 03. i 04. marta, u Tesliću, 08. i 09. maja, na Jahorini 07. i 08. jula, u Fojnici 22. i 23. septembra, te na Bjelašnici 23. i 24. novembra .

Na sastancima koordinacije, u više navrata u toku 2011. godine, prezentirani su analiza i monitoring sigurnosne situacije nakon liberalizacije viznog režima za građane BiH, kao i poduzete aktivnosti na sprečavanju pojave lažnih azilanata iz BiH u zemljama EU.

Na sastancima koordinacije, dogovarane su i koordinirane aktivnosti vezane za rasvjetljavanje terorističkog napada na Ambasadu SAD-a u BiH, u oktobru 2011. godine, a razgovarano je i o zajedničkim aktivnostima u oblasti borbe protiv terorizma, te funkcionisanju ranije utemeljene Operativne grupe za borbu protiv terorizma, koju sačinjavaju predstavnici više policijskih i sigurnosnih agencija u BiH, kao i predstavnik Tužilaštva BiH.

Sudionici sastanaka koordinacije, u periodu obuhvaćenom ovom informacijom, razgovarali su o bitnim temama kao što su aktivnosti vezane za sporazum o uspostavi elektronske razmjene podataka iz evidencija policijskih agencija i tužilaštava u BiH, koji će značajno operativno unaprijediti borbu protiv svih vrsta kriminala, kao i realizaciju hapšenja osoba za kojima tragaju policijske i sigurnosne agencije, kao i pravosudni organi BiH.

Također, razgovarano je i o aktivnostima na projektu uspostave baze podataka o državljanima BiH koji su osuđeni od sudova u inostranstvu, te unošenju presuda iz inostranstva u evidencije u BiH.

Direktori policijskih agencija i glavni tužilac razgovarali su i o kapacitetima za zakonito presretanje telekomunikacija u BiH, sistemima za elektronsko upravljanje dokumentima u policijskim agencijama, kao i o saradnji i koordinaciji policijskih agencija u segmentu zaštite ličnosti i objekata.

Učesnici sastanaka koordinacije, razgovarali su i o jačanju i poboljšavanju kapaciteta u agencijama za provođenje zakona u BiH, za borbu protiv korupcije i borbu protiv visokotehnološkog kriminala uključujući *cyber* kriminal.

Teme sastanka održanih tokom 2011. godine, između ostalog, odnosile su se i na korištenje operativnih policijskih sistema za razmjenu kriminalističko-obavještajnih informacija između policijskih agencija u BiH pod nazivom „CIDA“ i korištenje sistema za prepoznavanje otisaka pod nazivom „AFIS“ koji koriste policijske agencije.

U okviru rada koordinacije, poduzete su mnoge aktivnosti vezane za proces približavanja Bosne i Hercegovine evropskim integracijama. U maju mjesecu, uz podršku misije EUPM-a u BiH, organizovane su posjete, te su upriličeni sastanci predstavnika policijskih i sigurnosnih agencija u BiH, glavnog tužioca i predstavnika Ministarstva sigurnosti sa najvišim zvaničnicima u agenciji FRONTEX (Evropska agencija za upravljanje operativnom saradnjom na vanjskim granicama Evropske unije) u Varšavi, zatim posjeta i susret sa zvaničnicima EUROPOLA u Den Haagu, susret sa zvaničnicima Generalne direkcije Evropske komisije za unutrašnje poslove u Briselu, kao i zvaničnicima Međunarodnog krivičnog suda (MKS) i Međunarodnog krivičnog suda za bivšu Jugoslaviju (MKSJ) u Den Haagu.

Tokom ovih sastanaka razgovarano je o saradnji agencija za provođenje zakona u BiH, sa policijskim i pravosudnim agencijama na području Evropske unije.

Zvaničnici policijskih i agencija za provođenje zakona koji djeluju u okviru koordinacije, u oktobru 2011. godine, su uz podršku ICITAP projekta pri ambasadi SAD-a u BiH, učestvovali na Međunarodnoj konferenciji šefova policijskih agencija u Chicagu, SAD, na kojoj su učestvovali predstavnici iz više desetina država širom svijeta, te su predstavnici iz BiH, također posjetili kapacitete Federalnog istražnog biroa (FBI) u Chicagu i sastali se sa zvaničnicima (FBI) u Chicagu.

Sastancima Koordinacije direktora policije i glavnog tužioca su se, po potrebi, u radu priključivali i predstavnici ostalih policijskih, sigurnosnih i pravosudnih agencija u BiH.

Organizatori i domaćini sastanaka koordinacije, po sistemu rotacije, bili su direktori i vodeći zvaničnici institucija uključenih u koordinaciju.

4.4. AKTIVNOSTI NA JAČANJU KAPACITETA ZA BORBU PROTIV VISOKOTEHNOLOŠKOG KRIMINALA

Nakon što je na inicijativu Tužilaštva BiH, u 2010. godini osnovana Radna grupa za borbu protiv visokotehnološkog kriminala uključujući *cyber* kriminal u BiH, koja okuplja predstavnike svih agencija za provođenje zakona u BiH koje imaju kapacitete za borbu protiv ove vrste kriminala, tokom 2011. godine, nastavile su se određene aktivnosti na jačanju ovih kapaciteta.

U okviru sastanaka koordinacije direktora policijskih agencija i glavnog tužioca, razgovarano je o mogućnostima da se Bosna i Hercegovina priključi međunarodnoj mreži kontaktnih tački za borbu protiv *cyber* kriminala, koja već okuplja predstavnike više od 40 zemalja Evrope i svijeta, koje su imenovala svoje predstavnike, kojima se policijske i agencije za provođenje zakona mogu javiti u bilo kojem trenutku, radi traženja pomoći ili asistencije u borbi protiv *cyber* kriminala (mreža kontaktnih tačaka se realizira po sistemu dostupnosti 24/7- odnosno 24 sata svih 7 dana u sedmici).

Aktivnosti na priključenju ovoj mreži kontaktnih tačaka, nastavit će se i u 2012. godini.

Također, kada je u pitanju borba protiv *cyber* kriminala, nakon aktivnosti započetih u 2011. godini, očekuje se da tokom 2012. godine bude realizovano više stručnih specijalističkih obuka za službenike policijskih i agencija za provođenje zakona u BiH.

Ove specijalističke obuke, između ostalog, će se odnositi na *cyber* forenziku, borbu protiv *cyber* i internet aktivnosti koje imaju veze sa krivičnim djelima terorizma, borbu protiv zloupotrebe

autorskih prava i krivičnih djela iz oblasti autorskih prava koja se vrše putem intereneta, borbu protiv krađa i zloupotreba bankovnih računa elektronskim putem, borbu protiv internet prevara finansijske prirode, borbu protiv širenja nacionalne i vjerske mržnje i netrpeljivosti u *cyber* prostoru i putem interneta.

Također, planira se i realizacija aktivnosti koje će se odnositi na preciziranje i donošenje internih akata iz oblasti telekomunikacija i internet saobraćaja, kako bi se policijskim agencijama olakšao rad na prikupljanju dokaza za krivična djela *cyber* kriminala.

4.5. AKTIVNOSTI KROZ UDARNU GRUPU ZA BORBUTIV TERORIZMA I JAČANJE SPOSOBNOSTI ZA BORBUTIV TERORIZMA

U 2004. godini, Odlukom Vijeća ministara Bosne i Hercegovine, uspostavljena je Grupa za borbu protiv terorizma i jačanje sposobnosti za borbu protiv terorizma (Udarne grupa) koja radi pod vođstvom Tužilaštva Bosne i Hercegovine i nadzorom Ministarstva sigurnosti BiH.

Osnivanjem Udarne grupe za otkrivanje krivičnih djela terorizma, institucionalizovana je borba protiv terorizma u Bosni i Hercegovini.

Tokom 2005. godine, Tužilaštvo Bosne i Hercegovine osiguravalo je saradnju i koordiniralo rad organa koji učestvuju u borbi protiv terorizma, prikupljanjem informacija o svim slučajevima terorizma na teritoriji Bosne i Hercegovine i provodeći istrage.

Aktivnosti Tužilaštva Bosne i Hercegovine, u ovom segmentu, ogledale su se prvenstveno u otkrivanju mreže koja osigurava finansijsku i svaku drugu podršku osobama za koje se sumnja da su povezane sa pojedincima, pravnim osobama ili udruženjima čije djelovanje ukazuje na počinjenje krivičnih djela terorizma.

Tužilaštvo Bosne i Hercegovine, kroz učešće u radu ove Udarne grupe, zalaže se za sveobuhvatan pristup problemu terorizma na način da se u Bosni i Hercegovini moraju identifikovati i procesuirati eventualni počinioi krivičnih djela terorizma, što je prvenstveni cilj kojim se prilikom osnivanja rukovodila Udarne grupa. Kroz segment djelatnosti ove Udarne grupe, Tužilaštvo Bosne i Hercegovine je tokom 2005. godine, radilo na uspostavi kontakta i saradnje sa ekspertima Vijeća Evrope i Vijeća sigurnosti UN-a iz oblasti terorizma.

S obzirom da se od 01. 07. 2009. godine primjenjuju izmijenjeni Kriteriji za raspodjelu predmeta između odjela Tužilaštva BiH broj A-518/09 od 30. 06. 2009. godine, svi predmeti za krivična djela terorizma iz člana 201. Krivičnog zakona BiH i krivična djela finansiranja terorističkih

aktivnosti iz člana 202. Krivičnog zakona BiH, spadaju u nadležnost Posebnog odjela za organizirani kriminal, privredni kriminal i korupciju. S tim u vezi u toku posmatranog perioda došlo je do izmjene članova Udarne grupe koji dolaze iz Tužilaštva Bosne i Hercegovine. Nakon što je u decembru 2010. godine održan prvi sastanak Udarne grupe u novom sazivu na kojem je dogovoren dalji način rada Udarne grupe i formirana operativna podgrupa kojom će rukovoditi glavni tužilac Tužilaštva Bosne i Hercegovine, a što je rezultat zaključka donesenog u toku 2010. godine na sjednici direktora svih agencija za provođenje zakona i glavnog tužioca Tužilaštva Bosne i Hercegovine, u toku 2011. godine operativna grupa je aktivno učestvovala u radu na predmetima terorizma. S tim u vezi je postignuta izuzetno dobra saradnja u vidu efikasne i brze razmjene informacija koje se odnose na potencijalne izvršioce krivičnog djela terorizma. Slijedom izmjena Krivičnog zakona Bosne i Hercegovine, Tužilaštvo je u 2011. godini pokrenulo niz istraga koje se odnose prioritarno na prevenciju i sprečavanje počinjenja krivičnih djela terorizma. U toku posmatranog perioda, a u vezi sa promjenom nadležnosti Posebnog odjela za organizirani kriminal, privredni kriminal i korupciju, oko 80 predmeta je preuzeto od tužilaca iz prethodnog saziva Udarne grupe, od čega je više od 10 riješeno, odnosno arhivirano. U odnosu na ostale predmete, Udarne grupa je odredila jednog stručnog saradnika Tužilaštva Bosne i Hercegovine koji je zadužen da, u saradnji sa tužiocima iz Udarne grupe, radi po preostalim predmetima i koji je istovremeno određen i za sekretara Udarne grupe.

4.6. AKTIVNOSTI KROZ UDARNU GRUPU ZA BORBUN PROTIV TRGOVINE LJUDIMA I ORGANIZOVANE ILEGALNE IMIGRACIJE

Udarne grupa za borbu protiv trgovine ljudima i organizovane ilegalne imigracije (Udarne grupa) formirana je odlukom Vijeća ministara BiH („Službeni glasnik BiH“ broj: 3/04). Članove Udarne grupe imenuje Ministarstvo sigurnosti BiH, a u njen sastav ulaze tužioci Tužilaštva BiH, Federalnog tužilaštva FBiH, Republičkog tužilaštva Republike Srpske, Tužilaštva Brčko distrikta, predstavnici SIPA-e, Granične policije BiH, MUP-a FBiH, MUP-a RS, Policije Brčko distrikta, te predstavnici Porezne uprave FBiH i Porezne uprave Republike Srpske. Trenutno postoje inicijative da se u sastav Udarne grupe imenuje i po jedan predstavnik iz Direkcije za koordinaciju policijskih organa BiH i Službe za poslove sa strancima, koje nisu postojale u vrijeme donošenja odluke o formiranju Udarne grupe. Također, imajući u vidu značaj nevladinih organizacija u pružanju pomoći i zaštiti žrtava trgovine ljudima, te preporuke koje su

navedene u Izvještaju GRETE i Izvještaju o stanju trgovine ljudima State Departmenta (TIP Report), inicirani su prijedlozi da se u sastav Udarne grupe imenuje i jedan predstavnik nevladinog sektora.

Udarne grupa je u 2011. godini održala 12 sastanaka na kojima su njeni članovi podnosili pojedinačne usmene izvještaje o operativnim aktivnostima u vezi sa slučajevima trgovine ljudima i krijumčarenja ljudi, koji su evidentirani u radu.

Članovi Udarne grupe su proveli operativne aktivnosti u 42 predmeta. Operativne aktivnosti najčešće su provođene u timovima u koje su bile uključene sve policijske agencije, što se pokazalo kao veoma pozitivna praksa jer upućuje na koordinaciju aktivnosti i saradnju entitetskih MUP-ova, Policije BD, BiH i SIPA-e.

U posmatranom periodu, policijske agencije u sastavu Udarne grupe, u saradnji sa tužiocima, poduzele su operativne aktivnosti u vezi sa slučajevima koji se odnose na radnu eksploataciju kao vid trgovine ljudima. Radi se o akciji otkrivanja slučajeva „prosjačenja“ u kojima su žrtve djeca. U vezi sa navedenim, podneseni su izvještaji o počiniocima krivičnog djela Trgovina ljudima iz člana 186. stav 2. Krivičnog zakona BiH, te djela iz grupe krivičnih djela protiv braka, porodice i mladeži (u situacijama kad su djeca žrtve prosjačenja iskorištavana od strane roditelja ili bliskih srodnika). Podnošene su i prekršajne prijave, koje su se pokazale kao nedjelotvorne jer se izdati prekršajni nalozi sa novčanim kaznama koje su izrečene počiniocima prekršaja najčešće ne izvršavaju.

Udarne grupa se također angažovala i na otkrivanju slučajeva dječije pornografije. Kompletan tim Udarne grupe, posebno službenici MUP-a Republike Srpske, bili su angažovani na slučaju državljanina Bosne i Hercegovine, koji je posjedovao, proizvodio i distribuirao dječiju pornografiju kao član organizirane međunarodne kriminalne organizacije. Navedena osoba je posjedovala preko 2.000.000 snimaka i fotografija dječije pornografije, koje je razmjenjivao i distribuirao širom svijeta kroz umrežene kriminalne kanale.

Tužilaštvo BiH je tokom 2011. godine za krivično djelo trgovina ljudima iz člana 186. Krivičnog zakona BiH, zaprimilo 9 prijava protiv 22 osobe. Otvorene su 4 nove istrage protiv 21 osobe. Podignute su 2 nove optužnice protiv 2 osobe. U istoj godini donesene su presude u 4 predmeta protiv 8 osoba, a osuđenim osobama izrečene su kazne zatvora u ukupnom trajanju od 30 godina i 11 mjeseci.

Tužilaštvo BiH je isključivo nadležno za postupanje u vezi sa krivičnim djelom krijumčarenje ljudi iz člana 189. Krivičnog zakona BiH. Tokom 2011. godine za ovo krivično djelo zaprimljeno je 15 novih prijava protiv 55 osoba. Podignuto je 16 novih optužnica protiv 42 osobe. Donesene

su presude u 7 predmeta protiv 20 osoba, a osuđenim osobama izrečeno je ukupno više od 20 godina zatvora.

Udarna grupa učestvovala je u radu i na predmetima koji su u nadležnosti entitetskih tužilaštava, te Tužilaštva Brčko distrikta.

Pored rada na pojedinačnim predmetima, Udarna grupa je nakon suočavanja sa nizom praktičnih problema u istraživanju i optuživanju krivičnih djela trgovine ljudima i povezanih krivičnih djela, prouzrokovanih neusaglašenošću krivičnih zakona u Bosni i Hercegovini, pokrenula aktivnosti na iniciranju izmjena i dopuna krivičnih zakona. S tim u vezi, formirana je Radna grupa sačinjena od tužilaca iz svih tužilaštava u Bosni i Hercegovini, sa zadatkom da sačini prijedlog mogućeg rješenja izmjena i dopuna krivičnih zakona. U toku 2011. godine, usaglašen je prijedlog izmjena i dopuna za sva četiri krivična zakona u Bosni i Hercegovini, a koje se odnose na krivično djelo trgovine ljudima i srodna krivična djela, uz ukazivanje na potrebu da se u hitnoj proceduri izvrši njihovo usvajanje.

Iz naprijed navedenog proizilazi da je Udarna grupa u 2011. godini imala značajnu ulogu u otkrivanju i sprečavanju trgovine ljudima u Bosni i Hercegovini, što je istaknuto i u Izvještaju o stanju trgovine ljudima i ilegalne imigracije u Bosni i Hercegovini.

4.7. AKTIVNOSTI KROZ UČEŠĆE U RADU TIMA ZA PRAĆENJE I OCJENU KRIVIČNIH ZAKONA BOSNE I HERCEGOVINE

Kao i prethodnih godina, dva tužioca kao predstavnici Tužilaštva BiH su i tokom 2011.godine aktivno učestvovali u radu Tima za praćenje i ocjenu krivičnih zakona Bosne i Hercegovine pri Ministarstvu pravde Bosne i Hercegovine.

Ovaj Tim je formiran sa prioriternim zadatkom usklađivanja domaćeg krivičnog zakonodavstva sa međunarodnim standardima, te su u tom cilju članovi Tima angažovani na sačinjavanju prijedloga izmjena Krivičnog zakona i Zakona o krivičnom postupku Bosne i Hercegovine radi harmonizacije odredbi ovih zakona sa međunarodnim konvencijama ratificiranim od strane Bosne i Hercegovine.

Pored toga, Tim je nadležan da prati i ocjenjuje praktičnu primjenu Krivičnih zakona i Zakona o krivičnim postupcima Bosne i Hercegovine i da interveniše u slučajevima kada praksa ukazuje na potrebu izmjene ili dopune pojedinih odredbi ovih zakona.

U toku 2011. godine, predstavnici Tužilaštva BiH su inicirali izmjene, odnosno dopune više odredbi Zakona o krivičnom postupku Bosne i Hercegovine, te članovima Tima dostavili

pismene i argumentovane stavove Kolegija tužilaštva Bosne i Hercegovine kojima se ukazuje na probleme u praktičnoj primjeni određenih odredbi navedenog zakona, uz konkretne prijedloge za njegovu izmjenu, odnosno, dopunu.

4.8. AKTIVNOSTI U OBLASTI ODNOSA S JAVNOŠĆU

U toku 2011. godine nastavljene su i unaprijeđene aktivnosti Tužilaštva Bosne i Hercegovine poduzete sa ciljem informisanja javnosti, te približavanja rada ove institucije građanima. Tužilaštvo Bosne i Hercegovine kontinuirano planira, uspostavlja i održava komunikaciju sa medijima i širom javnosti, a sve u cilju postizanja boljeg međusobnog razumijevanja i ostvarivanja zajedničkih interesa.

Tužilaštvo je u 2011. godini izdalo 441 saopštenje o radu na predmetima, kao i o aktivnostima vezanim za predmete, koje su poduzete po nalogu ovog Tužilaštva. Pored navedenog, informacije su davane i kroz 50-tak izjava za televizijske i oko 150 izjava za radio stanice. Tužioci i drugo osoblje Tužilaštva dali su 10-tak intervjuja elektronskim i štampanim medijima, te učestvovali u više televizijskih emisija koje su obrađivale teme od značaja za rad ove institucije.

U 2011. godini, Tužilaštvo je zaprimilo i odgovorilo na oko 400 upita građana, medija i nevladinih organizacija o stanju pojedinačnih predmeta.

Nastavljeno je sa održavanjem konferencija i okruglih stolova na kojima je predstavnicima udruženja žrtava u lokalnim zajednicama, kao i predstavnicima lokalnih organa vlasti, pravosuđa i policije, prezentiran rad Tužilaštva na predmetima ratnih zločina. U posmatranom periodu, održano je 12 ovakvih okruglih stolova u raznim krajevima Bosne i Hercegovine.

Predstavnici Tužilaštva prezentirali su rad ove institucije i u okviru organiziranih posjeta studenata prava, kriminalistike i sigurnosnih studija Tužilaštvu i Sudu Bosne i Hercegovine.

Vijesti koje se odnose na rad Tužilaštva svakodnevno su dostupne javnosti i putem web stranice, koja je u protekloj godini zabilježila 71478 individualnih posjeta, kako iz Bosne i Hercegovine, tako i iz raznih područja izvan Bosne i Hercegovine i to ne samo iz regionalnog i evropskog nego i šireg prostora.

4.9. AKTIVNOSTI KROZ OBAVEZNU EDUKACIJU

Tužioci i stručno osoblje imaju obavezu prisustva edukacijama koje se organizuju od strane Centara za edukaciju sudija i tužilaca u Federaciji Bosne i Hercegovine i Republici Srpskoj. Navedeni centri su ravnopravni članovi Lisabonske mreže institucija koja djeluje u oblasti edukacije sudija i tužilaca u državama članicama Vijeća Evrope.

Naprijed navedene edukacije su u toku 2011. godine organizovane od strane entitetskih centara za edukaciju sudija i tužilaca u saradnji s USAID-ovim projektom JSDP II, UNDP-em, Ambasadom SAD putem ureda američkog Ministarstva pravde za razvoj, pomoć i obuku tužilaštava u prekomorskim zemljama (OPDAT), Odsjekom krivične odbrane, Uredom OSCE-a za demokratske institucije i ljudska prava (ODIHR) - Projekat "Podrške prenosu znanja i materijala u predmetima ratnih zločina iz MKSJ na nacionalna pravosuđa", te partnerom projekta Međunarodnim krivičnim sudom za bivšu Jugoslaviju (MKSJ), Udruženjem sudija u FBiH, Udruženjem sudija BiH, Udruženjem sudija RS, Udruženjem tužilaca BiH, Udruženjem tužilaca FBiH, Udruženjem tužilaca RS, Advokatskim komorama FBiH i RS, Pravosudnom komisijom Brčko distrikta BiH, Uredom registrara Tužilaštva BiH, VSTV-om, Policijskom akademijom MUP-a FBiH, Odjeljenjem za edukaciju u Policijskoj agenciji FBiH, Policijom Brčko distrikta BiH, Odsjekom za obuku i operativne treninge Državne agencije za istrage i zaštitu i Centrom za obuku Granične policije BiH, Ambasadom Republike Francuske u BiH, kao i Centrom za rehabilitaciju žrtava torture.

Obaveza svakog tužioca, prema entitetskim zakonima o Centrima za edukaciju, je provođenje minimalne edukacije od četiri dana godišnje.

U posmatranom periodu, tužioci su se, pored pohađanja obaveznih zakonom propisanih seminara, aktivno uključili i u ostale procese edukacije tužilaca, a isto tako su bili angažovani i kao edukatori, predavači i moderatori, te su prenosili svoja znanja i iskustva učesnicima seminara.

Tužioci su u periodu obuhvaćenom ovom informacijom svoje znanje proširivali na seminarima i konferencijama na sljedeće teme:

- Granice slobode govora za sudije i tužioce
- Tehnika izrade optužnice (radionica)
- Zastupanje u sudskom postupku
- Međunarodna pravna saradnja u krivičnim stvarima
- Razvoj krivičnog prava u FBiH
- Prekoračenje optužbe i granice disponiranja optužnicom
- Etika
- Svjedok u krivičnom postupku
- Vještine zastupanja
- Krivična djela iz oblasti finansijskog kriminala
- Regionalna konferencija o procesuiranju ratnih zločina "Procjena različitih aspekata procesuiranja ratnih zločina"

- Edukacija edukatora iz oblasti Međunarodnog humanitarnog prava
- Terorizam i finansiranje terorističkih aktivnosti
- Vještine zastupanja u predmetima ratnih zločina
- X savjetovanje iz krivične oblasti "Aktuelnosti krivičnog zakonodavstva u Bosni i Hercegovini - legislativa i praksa s posebnim osvrtom na organizovani kriminal i korupciju"
- Izabrani segmenti iz oblasti zaštite ljudskih prava i sloboda
- Modul 4 - Nosioци pravosudne funkcije i društvo, početna obuka
- Pristup spisima MKSJ-a obuka/radionica
- Predmeti korupcije u Posebnom odjelu za organizirani kriminal, privredni kriminal i korupciju, pouke iz proteklih iskustava
- Uloga tužioca, kako prigovarati suprotnoj strani i braniocima i kako efikasno koristiti statusne konferencije
- Izbor istražnih radnji, metoda i tehnika u istraživanju ratnih zločina
- Borba protiv organizovanog kriminala i korupcije u BiH i oduzimanje ilegalno stečene imovinske koristi
- Odnos između strana u postupku
- Pristup spisima MKSJ-a radionica za edukatore
- Suđenje u razumnom roku
- Napredne vještine zastupanja u predmetima ratnih zločina
- Primjena Evropske konvencije za zaštitu ljudskih prava i osnovnih sloboda u radu redovnih sudova u BiH
- Pravna medicina i forenzika – uvodna obuka
- IV stručno savjetovanje tužilaca
- Digitalna forenzika i kompjuterski kriminal
- Ratni zločini
- Ekstradicija
- Intelektualno vlasništvo u BiH – krivičnopravni aspekti
- Krivično gonjenje u predmetima terorizma
- Ubrzanje krivičnog postupka za lakša krivična djela (*Acceleration of criminal procedure for petty/minor offences*) - edukacija edukatora
- Rad sa traumatizovanim svjedocima
- Oduzimanje imovine

- Napredni seminar: vještine zastupanja - uključujući edukaciju edukatora

Početna obuka pripravnika, stručnih saradnika i stručnih savjetnika se provodi u skladu s trogodišnjim planom i programom obuke usvojenim od strane Visokog sudskog i tužilačkog vijeća Bosne i Hercegovine za osobe koje se namjeravaju baviti profesijom sudije ili tužioca. Ovaj program predviđa provođenje obuke kroz 4 Modula na godišnjem nivou, što u trogodišnjem periodu znači da će stručnim saradnicima biti pružena obuka iz 12 Modula. U 2011. godini je provedena početna obuka za treću generaciju polaznika 2011/2013 (Moduli I-IV), drugu generaciju polaznika 2010/2012 (Moduli I-IV) i za prvu generaciju 2009/2011 (Moduli I-IV).

3 godina

Modul 1 - Građanska oblast

Modul 2 - Krivična oblast

Modul 3 - Alternativno rješavanje sporova, medijacija i arbitraža

Modul 4 - Nosioci pravosudne funkcije i društvo

2 godina

Modul 1 – Evropska konvencija i ravnopravnost spolova

Modul 2 – Građanska oblast

Modul 3 – Krivična oblast

Modul 4 - Izvršna i upravna oblast

1 godina

Modul 1 - Nosioci pravosudne funkcije i društvo

Modul 2 – Građanska oblast

Modul 3 - Krivična oblast

Modul 4 - Izvršna i vanparnična oblast

4.10. AKTIVNOSTI KROZ OSTALE EDUKACIJE

Tužiocima, stručno i ostalo osoblje Tužilaštva su u toku 2011. godine učestvovali na dole nabrojanim konferencijama, seminarima, radionicama, sastancima, studijskim putovanjima i sl., organizovanim od strane državnih institucija, raznih domaćih pravnih osoba koje se bave organizacijom edukacija, domaćih nevladinih organizacija i međunarodnih organizacija, u cilju obuke iz raznih oblasti te razmjene iskustava :

- Konferencija „Srbija i Bosna i Hercegovina, juče, danas, sutra“
- Konferencija „Evropske smjernice za saradnju biblioteka, arhiva i muzeja“

- II međunarodna konferencija o zaštiti euro novca od krivotvorenja
- Konferencija „Krivična djela motivisana mrežom na internetu“
- V međunarodna konferencija BAM 2011, Evropske smjernice za saradnju biblioteka, arhiva i muzeja, pravne norme, standardi i preporuke
- Seminar „Borba protiv trgovine oružjem za masovno uništenje terorizma“
- Seminar „Krivična djela iz oblasti finansijskog kriminala“
- Seminar „Bolji mehanizmi između policije i tužilaštva na predmetima korupcije sa posebnim osvrtom na identifikovanje i procedure oduzimanja nezakonito stečene imovine“
- Seminar „Modul I – građanska oblast“ god. III
- Seminar „Primjena članova 3.5.6.8 Evropske konvencije za zaštitu ljudskih prava i osnovnih sloboda
- Seminar „Zaštita od stresa i konflikata – Vaša sigurnost i osiguranje“
- Seminar „Zastupanje u sudskom postupku “
- Seminar „Zloupotreba kreditnih kartica“
- Seminar „Istrage i oduzimanje imovine stečene krivičnim djelom – pravna rješenja i najbolja praksa na primjerima Italije i Srbije“
- Seminar „Istraga i krivično gonjenje korupcije: Finansijske istrage i veza sa predmetima pranja novca“
- Seminar „Izdavanje dozvola za izvoz oružja i vojne opreme“
- Seminar „Problem u primjeni zakona u zaštiti tajnih podataka“
- Seminar „Sajber sigurnost“
- Seminar „Suzbijanje organizovanog kriminala sa posebnim osvrtom na pranje novca“
- Seminar „Borba protiv sajber kriminala“
- Regionalni seminar za zemlje Balkana o istragama u sprečavanju oružja za masovno uništenje“
- Regionalni seminar „Kazne za kršenje kontrole izvoza“
- „*QSS Data Security and Availability Masters*“
- Seminar „Standardni bosanski jezik II – Udruženje lingvista“
- „Seminar Bibliotekara – pravnih i srodnih bibliotekara“
- Seminar “Elektronske javne nabavke”
- XII međunarodni simpozij „Ubrzane reforme u funkciji održivog razvoja“

- Godišnji obračun i porezne prijave za 2010 god. – Novi analitički kontni plan
- Dvodnevna radionica – Razmatranje izvještaja „Procjena i identifikacija ključnih izazova u rukovođenju i prijedlog preporuka za poboljšanje rukovodnih procesa vezanih za funkcionisanje tužilaštava u BiH“
- Regionalna radionica „Zakonodavstvo u oblasti borbe protiv sajber kriminala“
- Upravljanje projektima kroz MS Project-A 2010
- *Configuring, managing and maintaining windows server 2008 servers*
- Edukacija za TCMS administratore
- Radionica „Formiranje jakih bibliotekarskih udruženja kao model za buduću regionalnu saradnju“ Sastanak tužilaca za ratne zločine iz regije i tužilaca MKSJ-a „Pravda i ratni zločin“
- VI plenarni sastanak konsultativnog vijeća evropskih tužilaca
- Regionalni sastanak „Saradnja u krivičnom pravosuđu - Zaštita svjedoka u borbi protiv teškog kriminala i terorizma“
- Sastanak tima za koordinaciju aktivnosti istraživanja ratnih zločina i traženja nestalih osoba
- Sastanak „Terorizam – potpis memoranduma“
- Sastanak „Dani državnih tužilaca“
- XIV međunarodni forum javnih tužilaca
- Plenarna sjednica „*Moneyval*“ na temu „Izvještaj o napretku BiH“
- Sajam bezbjednosti Vladinog sektora zaduženog za kontrolu imigracije, bezbjednost i javni red i mir
- IV svjetski samit tužilaca na temu „Nove inicijative službe tužilaštva – fer i pravедno društvo“
- Studijsko putovanje za direktore agencija za provedbu zakona u BiH i glavnog tužioca
- VII okrugli sto i druga redovna Skupština Društva bibliotekara pravnih i srodnih biblioteka jugoistočne Evrope
- VII međunarodni susret bibliotekara slavista, „Ideologija, politika, bibliotekarstvo“

5. FINANSIJSKI IZVJEŠTAJ ZA 2011. GODINU

5.1. IZVRŠENJE BUDŽETA ZA 2011. GODINU

Odobreni budžet za Tužilaštvo BiH za 2011. godinu, iz razloga privremenog finansiranja koje je trajalo cijelu 2011. godinu, isti je kao izvršeni budžet u toku 2011.godine i iznosi 8.527.598 KM, a struktura odobrenog budžeta bila je:

- Tekući izdaci.....	8.428.569 KM
- Udarina grupa za borbu protiv trgovine ljudima i ilegalne imigracije BiH.....	9.029 KM
U K U P N O :	8.527.598 KM

Prestrukturiranje sredstava vršeno je u dva navrata i to;

1. Prestrukturiranje u ukupnom iznosu od 141.500 KM:

- iznos od 110.000 KM je prestrukturiran sa pozicije Bruto plate i naknade
- iznos od 20.000 KM je prestrukturiran sa pozicije Naknade troškova uposlenih
- iznos od 11.500 KM je prestrukturiran sa pozicije Izdaci za energiju i komunalne usluge,

na pozicije:

• putni troškovi	80.000 KM
• izdaci poštanskih i telefonskih usluga.....	30.200 KM
• izdaci za usluge prevoza i goriva.....	12.000 KM
• izdaci za tekuće održavanje	4.300 KM
• ugovorene usluge	15.000 KM

2. Prestrukturiranje u ukupnom iznosu od 75.800 KM:

- iznos od 26.000 KM je prestrukturiran sa pozicije Bruto plate i naknade
- iznos od 4.500 KM je prestrukturiran sa pozicije Izdaci za energiju i komunalne usluge
- iznos od 41.000 KM prestrukturiran je sa pozicije Nabavka materijala
- iznos od 4.300 KM prestrukturiran je sa pozicije Izdaci za osiguranje i troškove platnog prometa,

na pozicije:

• naknada troškova uposlenih.....	5.000 KM
• izdaci za usluge prevoza i goriva.....	2.300 KM
• ugovorene usluge	68.500 KM

U toku 2011. godine Tužilaštvo je imalo donacije u naturalnom obliku ukupne vrijednosti od 3.799,58 KM na poziciji namještaj i to 25 komada polica, koje su donirane od strane VSTV-a BiH.

Sredstva predviđena i odobrena za rad Udarne grupe za borbu protiv trgovine ljudima i ilegalne imigracije u BiH, utrošena su u skladu sa planom rada i aktivnostima ove grupe, te je izvršenje budžeta na ovoj organizacionoj jedinici 99.029 KM

TABELARNI PREGLED IZVRŠENJA BUDŽETA ZA 2011. godinu

Pregled rashoda budžeta za 2011. godinu

Tabela I

Opis	Ekonomski kod	Odobreni budžet	Ukupni budžet (2+3)	Izvršenje budžeta	Index 5/4
1		2	4	5	6
1. Tekući izdaci		8.527.598	8.527.598	8.527.598	100
Bruto plaće i naknade	611100	6.741.317	6.741.317	6.741.317	100
Naknade troškova zaposlenih	611200	476.134	476.134	476.134	100
Putni troškovi	613100	194.608	194.608	194.608	100
Izdaci telefonskih i pošt.usluga	613200	96.004	96.004	96.004	100
Izdaci za energiju i kom. usluge	613300	56.613	56.613	56.613	100
Nabavka materijala	613400	54.758	54.758	54.758	100
Izdaci za usl. prevoza i goriva	613500	35.130	35.130	35.130	100
Unajmljivanje imovine i opreme	613600	0	0	0	
Izdaci za tekuće održavanje	613700	63.311	63.311	63.311	100
Izdaci za osiguranje	613800	8.691	8.691	8.691	100
Ugovorene usluge i druge usluge	613900	801.032	801.032	801.032	100
2. Kapitalni izdaci	821000	0	0	0	
3. Tekući grantovi	614000	0	0	0	
I. Ukupno (1+2+3)		8.527.598	8.527.598	8.527.598	100
II. Prosječan broj zaposlenih		185	185	185	100
4. Novčane donacije			0	0	

RASPORED RASHODA NA NEPOSREDNU POTROŠNJU I UDARNU GRUPU ZA BORBU PROTIV TRGOVINE LJUDIMA I ILEGALNE IMIGRACIJE U BIH:

R.br.	Vrsta rashoda	Ekon. kod	UKUPNI BUDŽET 2011. godina	NEPOSREDNA POTROŠNJA	UDARNA GRUPA
				Izvršenje 31.12.2011. godine	Izvršenje 31.12.2011.
	1	2		3	4
I	TEKUĆI IZDACI		8.527.598	8.428.569	99.029
1	Bruto plaće i naknade	611100	6.741.317	6.741.317	0
2	Naknade troškova uposlenih	611200	476.134	476.134	0
3	Putni troškovi	613100	194.608	190.522	4.086
4	Izdaci telefonskih i poštanskih usluga	613200	96.004	78.743	17.262
5	Izdaci za energiju i komunalne usluge	613300	56.613	56.613	
6	Nabava materijala	613400	54.757	54.757	
7	Izdaci za usluge prevoza i goriva	613500	35.130	35.130	
8	Troškovi zakupa	613600			
9	Izdaci za tekuće održavanje	613700	63.311	63.311	
10	Izdaci za osiguranje i troškove platnog prometa	613800	8.690	8.690	
11	Ugovorene i druge posebne usluge	613900	801.033	723.352	77.681
II	KAPITALNI IZDACI		0	0	0
III	TEKUĆI GRANTOVI	614000	0		
	UKUPNO PRORAČUNSKI KORISNIK (I+II+III)		8.527.598	8.428.569	99.029

5.2. PLANIRANJE BUDŽETA ZA 2012. GODINU

Tužilaštvo je napravilo projekciju budžeta za 2012. godinu, kojom su tražena sredstva u ukupnom iznosu od **9.508.283 KM**, i koja se u skladu sa instrukcijom Ministarstva finansija i trezora sastoji od osnovnog budžetskog zahtjeva po kojem je traženo **8.527.598 KM** i Aneksa budžeta kroz koji se traži dodatnih **980.685 KM**.

Navedeni iznos sastoji se od:

1. Plana budžeta za potrebe Tužilaštva u iznosu od **9.408.283 KM**.
2. Plana budžeta za potrebe Udarne grupe za borbu protiv trgovine ljudima i organizovane ilegalne imigracije u BiH u iznosu od **100.000 KM**.

1. Pri izradi plana budžeta koristio se krajnje restriktivan pristup prilikom utvrđivanja pojedinih kategorija troškova, vodeći računa o izvršenju budžeta za 2011. godinu, ali i planiranim parametrima u smjeru daljeg razvoja i nastavka započetog procesa reforme ove institucije u narednom periodu te odražava stvarno stanje i procjenjene realne potrebe Tužilaštva za budžetskim sredstvima u 2012. godini.

- Plate su korektno i precizno izračunate, u skladu sa :
 - Zakonom o plaćama i drugim naknadama u sudskim i pravosudnim institucijama na nivou BiH ("Sl. glasnik BiH" broj: 90/05)
 - Zakonom o platama i naknadama zaposlenih u institucijama BiH ("Sl. glasnik BiH" broj:50/08, 35/09, 75/09).
- Materijalni troškovi su planirani krajnje restriktivno, a na bazi istorijskog troška u Tužilaštvu.
- Tekući izdaci su rezultat istorijskog troška kao i detaljne analize i planiranja, s obzirom na činjenicu da je u 2012. godini Tužilaštvo nosilac svih troškova u kojima je do sada značajno participirao Ured registrara tj. prestaje podrška Ureda registrara u vidu:
 - plaćanja dijela putnih troškova za istražioce i drugo osoblje
 - plaćanje dijela troškova vezanih za vještake i prevodioce
 - troškovi nabavke određenog kancelarijskog i drugog materijala

- troškovi popravke i održavanja kompjuterske opreme

- Kapitalni izdaci u ukupnom iznosu od 61.000 KM namijenjeni su za nabavku softvera u iznosu od 1.000 KM, nabavku jednog putničkog automobila u iznosu od 50.000 KM i nabavku skenera u iznosu od 10.000 KM, potrebnih za kontinuiran rad Tužilaštva.

2. Na osnovu tačke 8. Odluke o formiranju Udarne grupe za borbu protiv trgovine ljudima i organizovane ilegalne imigracije („Sl. glasnik BiH“, broj: 3/04, 103/06) , za potrebe rada Udarne grupe za borbu protiv trgovine ljudima i ilegalne imigracije u BiH, predviđeni su troškovi u ukupnom iznosu od 100.000 KM, u cjelosti planirani za tekuće izdatke.

Procijenjeni troškovi su izračunati na bazi iskustvenog i istorijskog troška iz prethodnih godina.

Činjenice koje smo naveli su relevantni pokazatelji da **traženi ukupan iznos budžeta od 9.508.283 KM** predstavlja krajnje restriktivno, stvarno stanje i realne potrebe za neometan rad Tužilaštva u sljedećoj godini, i da bi svako pa i minimalno umanjeње budžeta dovelo do neprocjenjivih negativnih reperkusija na rad ove institucije.

6. ZNAČAJNI PROBLEMI U RADU

U poglavljima koji se odnose na rad i rezultate rada tužilačkih odjela iskazani su specifični problemi sa kojima se, u radu po krivičnim predmetima, susreću ovi odjeli i oni su različiti, obzirom na vrstu predmeta koji su u nadležnosti pojedinačnih odjela.

Iz gore navedenih razloga, na ovom mjestu iznosimo zajedničke probleme, odnosno probleme koji su posebno značajni i prepreka su u radu cjelokupnog Tužilaštva, kako slijedi:

1. nedostatak kancelarijskog prostora koji se direktno odražava na produktivnost osoblja;
2. neadekvatnost postojećih kancelarijskih prostorija, pogotovo sa aspekta veličine istih i činjenice da je u svakoj kancelariji smješten veći broj zaposlenika uključujući i tužioce sa kojima sjedi od 2 do 5 zaposlenika, ili je smješteno u jednoj kancelariji više zaposlenika koji obavljaju potpuno različite poslove;
3. nedovoljan i neadekvatan prostor za čuvanje aktivnih spisa, kao i arhiviranje završenih spisa, te pohranjivanje oduzetih predmeta i drugog dokaznog materijala.

U vezi sa naprijed navedenim, iznosi se situacija u kojoj se nalazi ovo Tužilaštvo u odnosu na rješavanje problema smještajnog kapaciteta.

Naime, Tužilaštvo trenutno, zajedno sa Sudom BiH i Visokim sudskim i tužilačkim vijećem BiH, koristi prostore u Kompleksu pravosudnih institucija, na adresi (Kraljice Jelene br. 88).

Dio naprijed navedenog prostora u kojem je smješteno Tužilaštvo, već odavno ne zadovoljava potrebe ove institucije, a posljednjih godina ovaj problem je sve izraženiji i sve više ometa svakodnevni rad, kao i rad ostalih institucija koje koriste zajedno postojeće prostore sa Tužilaštvom.

Problem o kojem je riječ nije nov i njegov početak datira od prvih dana rada ovih institucija i već je kao takav prepoznat, ali bez obzira na to još uvijek nije riješen.

Bitno je na kraju istaći da je za sve dalje aktivnosti u cilju rješavanja problema smještajnih kapaciteta za Tužilaštvo, a posredno i Sud BiH te Visoko sudsko i tužilačko vijeće BiH, neophodna pomoć predstavnika vlasti na državnom nivou kao i da je obezbjeđenje predmetnih kapaciteta od krucijalne važnosti Tužilaštvu kako bi moglo u cjelosti odgovoriti obavezama i zadacima zbog kojih je i osnovano.

7. PRIJEDLOZI ZA UNAPREĐENJE RADA U NAREDNOM PERIODU

Iako je Tužilaštvo u vremenskom periodu, obuhvaćenom ovom informacijom, ostvarivalo svoju funkciju u skladu sa propisanom nadležnošću i zacrtanim ciljevima iz prethodnog perioda, neophodno je kontinuirano unapređivati efikasnost Tužilaštva, u kom smislu će se i u narednom periodu preduzimati aktivnosti potrebne za ostvarenje pojedinačnih ciljeva čijim cjelovitim ispunjenjem će se realizirati krajnji, naprijed navedeni postavljeni cilj, i to kako slijedi:

1. Obezbjediti aktivno učešće tužilaca i uposlenika Tužilaštva Bosne i Hercegovine u praćenju primjene postojećih propisa u oblasti krivičnog prava, učestvovanju u unapređenju istih kroz predlaganja njihovih izmjena, te predlaganju novih propisa koji će cjelovitije regulisati ovu oblast, a što bi sve trebalo da obezbijedi stvaranje boljeg zakonskog okvira u cjelini kako za funkcionisanje Tužilaštva tako i za pružanje krivično pravne zaštite građanima Bosne i Hercegovine i to:

- kroz podnošenje samostalnih inicijativa u naprijed navedenom smislu poštujući interne procedure;
- kroz učešće u radnim grupama unutar Tužilaštva kao i radnim grupama i timovima koji djeluju izvan Tužilaštva i u kojima učestvuju i predstavnici drugih institucija;
- kroz aktivno učešće u projektima čije implementiranje se ocijeni potrebnim i odobri od strane menadžmenta Tužilaštva.

2. Unapređivati kvalitet i efikasnost u postupcima otkrivanja i procesuiranja počinilaca krivičnih djela iz nadležnosti Tužilaštva Bosne i Hercegovine, kroz preduzimanje kontinuiranih aktivnosti i to:

- rješavati stare predmete prema utvrđenom planu u kojem će se prioritet dati značajnijim predmetima posmatrano sa raznih aspekata;
- povećati broj tužilačkih odluka sa akcentom na povećanje broja istraga i optužnica za najteža krivična djela;
- jačati i razvijati timski rad, posebno prilikom procesuiranja najtežih krivičnih djela;
- nastaviti u potpunosti implementiranje Državne strategije za rad na predmetima ratnih zločina, a što podrazumijeva u prvoj polovini 2012. godine u potpunosti ažurirati bazu

podataka otvorenih predmeta ratnih zločina i uspostaviti mehanizme za kontinuirano ažuriranje ove baze podataka;

- intenzivirati, kroz postupke ekshumacija, traženje nestalih osoba na području cijele Bosne i Hercegovine, te u tom smislu centralizovati provođenje ove radnje dokazivanja zaduženjem jednog tužioca za rad na ovim predmetima, te unaprijediti saradnju sa Institutom za nestale osobe INO i ICMP;
- djelovati u pravcu preuzimanja potpune odgovornosti za koordiniranje implementacije Državne strategije za rad na predmetima ratnih zločina, od strane tužioca koji je imenovan odgovornom osobom za provođenje Državne strategije za rad na predmetima ratnih zločina u Tužilaštvu BiH, a u skladu sa Srednjoročnim razvojnim planom Tužilaštva Bosne i Hercegovine;
- nastaviti aktivno sudjelovati u kreiranju politike kriminaliteta u Bosni i Hercegovini, između ostalog i kroz angažman i sudjelovanje u radu Udarne grupe za borbu protiv trgovine ljudima i organizirane ilegalne imigracije i Udarne grupe za borbu protiv terorizma i jačanja sposobnosti, između ostalog, za borbu protiv organiziranog kriminala, korupcije i terorizma;
- kroz povećan broj uložених žalbi, te kreiranja zajedničkih smjernica vezano za sankcije prilikom sklapanja sporazuma i dalje aktivno sudjelovati na unapređenju kreiranja krivične politike Suda Bosne i Hercegovine.

3. Kontinuirano vršiti unapređenje efikasnosti i kvaliteta rada tužilaca i drugih uposlenika Tužilaštva Bosne i Hercegovine, kroz sljedeće aktivnosti:

- nastaviti primjenjivati visoke profesionalne standarde, te unapređivati iste kroz angažman Interne komisije za edukaciju, oformljene u Tužilaštvu BiH u skladu sa Srednjoročnim razvojnim planom Tužilaštva BiH, kao i kroz edukaciju preko centara za edukaciju RS-a i FBiH;
- aktivno sudjelovati u kreiranju sistema ocjenjivanja tužilaca i provoditi pripremne aktivnosti za uključenje u proces ocjenjivanja ostalih uposlenika;
- zahtijevati od tužilaca i uposlenika aktivno sudjelovanje u kreiranju edukacijskih seminara koji će doprinijeti unapređenju efikasnosti i kvalitetu rada tužilaca i uposlenih u Tužilaštvu BiH;

4. Kontinuirano nastaviti unapređenje saradnje sa agencijama za provođenje zakona u BiH, regionalne saradnje i šire međunarodne saradnje sa drugim tužilaštvima i u tom smislu :

- aktivno sudjelovati u koordinaciji aktivnosti svih agencija za provođenje zakona na teritoriji Bosne i Hercegovine u cilju otkrivanja i suzbijanja najtežih krivičnih djela;
- primjenjivati usvojene podzakonske akte koji su proizašli iz učešća u projektu “Uspostava boljih mehanizama saradnje između policije i Tužilaštava BiH” i dalje ih razvijati i prilagođavati potrebama;
- unapređivati saradnju sa tužilaštvima u zemljama regije i šire primjenom međunarodnih multilateralnih i bilateralnih ugovora o saradnji, kao i razmjenom iskustava u progonu počinitelja najtežih krivičnih djela, posebno terorizma i organiziranog kriminala, pranja novca, te *cyber* kriminala;
- inicirati kod tužilaštava u zemljama regije uspostavljanje novih mehanizama za saradnju;
- kontinuirano razvijati saradnju sa agencijama za provedbu zakona u Bosni i Hercegovini i tužilaštvima u Bosni i Hercegovini, kroz aktivnosti Udarne grupe za borbu protiv trgovine ljudima i organizirane ilegalne imigracije, Udarne grupe za borbu protiv terorizma i jačanja sposobnosti za borbu protiv terorizma, Radne grupe za borbu protiv visoko-tehnološkog kriminala uključujući i *cyber* kriminal i drugih radnih grupa koje se bave problemima iz oblasti kriminaliteta;
- nastaviti i unapređivati učešće u Radnoj grupi za monitoring odluke o bezviznom režimu za građane u BiH u Evropsku uniju;
- nastaviti i unapređivati učešće u tužilačkim asocijacijama Evrope i regije (SEEPAG, SECI, CPGE, EUROJUST, EUROPOL i druge).

5. U okvirima dodijeljenih resursa nastojati unapređivati u kadrovskom i organizacionom smislu Tužilaštvo BiH i to:

- korištenjem unutrašnjih resursa u pogledu kadrovskih kapaciteta, unaprijediti rad Posebnih odjela Tužilaštva BiH, sa akcentom na rad Posebnog odjela za ratne zločine, u cilju potpunog implementiranja Državne strategije za rad na predmetima ratnih zločina;
- izmjenom Pravilnika o unutrašnjoj organizaciji inkorporirati nastale izmjene propisa kojima se regulira rad Tužilaštva;

- nastaviti usaglašavati interne pravilnike o unutrašnjoj organizaciji tužilačkih odjela sa izmijenjenim Pravilnikom o unutrašnjoj organizaciji T BiH;
- kontinuirano pratiti zakonske propise kojima se regulira rad Tužilaštva i usklađivati i druge interne akte sa izmjenama i dopunama istih;
- donijeti nedostajuće interne akte kako bi se stvorio cjelovit interni normativni okvir za rad Tužilaštva;
- preduzimati aktivnosti na povećanju sistematizacije tužilaca od strane nadležnog Visokog sudskog i tužilačkog vijeća u skladu sa eventualnim povećanjem priliva predmeta i shodno potrebama i raspoloživim sredstvima nastaviti kadrovsko popunjavanje, uključujući i zamjenu međunarodnih tužilaca domaćim tužiocima;
- nastaviti sa praksom aktivnog djelovanja Kolegija glavnog tužioca u cilju unapređenja koordinacije u radu svih odjela Tužilaštva;
- dalje razvijati mehanizme upravljanja ljudskim resursima i mehanizme internih kontrola.

6. Obezbjediti osiguranje materijalno-finansijskih uslova za nesmetan rad Tužilaštva BiH kroz sljedeće aktivnosti:

- planirati materijalna i finansijska sredstva za nesmetan rad Tužilaštva u okviru zakonom propisanih nadležnosti i postavljenih ciljeva razvijajući i dalje pravila programskog planiranja;
- uticati na sve zaposlenike, a posebno rukovodeću strukturu kako bi se obezbijedilo njihovo aktivno učešće u procesu programskog planiranja;
- u granicama svojih mogućnosti preduzimati aktivnosti u cilju osiguranja potrebnih materijalnih i finansijskih sredstava za nesmetan rad Tužilaštva;
- aktivno sudjelovati sa drugim nadležnim institucijama u osiguranju povećanja prostornih kapaciteta.

7. Razvijati uvođenje i primjenu novih tehnoloških dostignuća u Tužilaštvu BiH kroz sljedeće aktivnosti:

- kontinuirano inicirati poboljšanje i prilagođavanje sistema za automatsku obradu i upravljanje predmetima kako bi bila postignuta svrha uvođenja istog, odnosno poboljšanje efikasnosti i ekonomičnosti u radu;

- dalje primjenjivati i razvijati pravila i procedure u vezi sa korištenjem IT tehnologija, koristiti internet i elektronsku poštu u svakodnevnom radu u cilju unapređenja protoka informacija;
- razvijati sistem elektronskog pohranjivanja i čuvanja dokaza i drugih materijala u krivičnom postupku;
- koristiti analitički software za analizu dokaza i drugih materijala, te izradu analitičkih i kriminalističko-obavještajnih izvještaja.

8. Unapređivati odnose s javnošću i povećavati transparentnost rada Tužilaštva BiH kroz sljedeće aktivnosti:


- podizanjem svijesti javnosti putem sredstava javnog informisanja o ulozi i nadležnostima Tužilaštva, kroz projekat „Podrška pravosuđu u Bosni i Hercegovini – Jačanje tužilačkih kapaciteta u sistemu krivičnog pravosuđa“, kroz druge projekte, putem okruglih stolova i na druge načine;
- nastaviti redovno izvještavati o postignutim rezultatima u radu i stanju kriminaliteta;
- u potpunosti obezbijediti poštivanje Zakona o slobodi pristupa informacijama u Bosni i Hercegovini;
- poboljšati saradnju između Odjela za odnose s javnošću policijskih i pravosudnih institucija u Bosni i Hercegovini radi kvalitetnije koordinacije i pružanja informacija prilikom zajedničkih akcija.

8. STANJE KRIMINALITETA U BOSNI I HERCEGOVINI

U daljem dijelu informacije mogu se vidjeti prikazi stanja kriminaliteta u Bosni i Hercegovini :


TABELARNI I GRAFIČKI PRIKAZ STANJA KRIMINALITETA U TUŽILAŠTVU BOSNE I HERCEGOVINE ZA 2011. GODINU

Tužilaštvo BiH	Zaprimljene prijave		Naredene istrage		Podignute optužnice		Podignute optužnice sa kriv. nalogom		Donesene presude	
	Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
Privredni kriminal	542	1558	366	1057	120	197	15	22	98	164
Ratni zločin	381	3112	331	1125	31	46	0	0	17	23
Opći kriminal	282	980	220	710	110	198	39	40	111	198




STANJE KRIMINALITETA U KANTONALNIM TUŽILAŠTVIMA FEDERACIJE BIH ZA 2011. GODINU

FBiH	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
Ukupno	28558	39898	16868	24052	12914	16471	4016	4809	10747	13130




STANJE KRIMINALITETA U OKRUŽNIM TUŽILAŠTVIMA REPUBLIKE SRPSKE ZA 2011. GODINU

RS	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
Privredni kriminal	1208	2213	683	1266	319	512	81	114	364	445
Ratni zločin	114	396	271	1228	18	24	0	0	7	9
Opći kriminal	10364	4520	8546	11246	5413	6626	2069	2474	4257	5210



STANJE KRIMINALITETA U JAVNOM TUŽILAŠTVU BRČKO DISTRIKT ZA 2011. GODINU

BRČKO DISTRIKT	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
Privredni kriminal	49	77	45	72	33	38	5	5	18	20
Ratni zločin	2	3	2	3	2	3	213	239	0	0
Opći kriminal	503	662	473	615	450	555	0	0	446	534



**STANJE KRIMINALITETA U SVIM TUŽILAŠTVIMA U BOSNI I HERCEGOVINI,
POREĐENJE 2007-2008-2009-2010-2011.**

	Zaprimljene prijave	Naređene istrage	Podignute optužnice	Podignute optužnice sa krivičnim nalogom	Presude
2006.	35460	26085	23332	6762	20740
2007.	35816	28305	21626	9941	19507
2008.	33410	28183	21130	9484	18418
2009.	32682	25185	16188	8226	19303
2010.	39348	24664	19991	7523	18714
2011.	42003	27805	19410	6438	16065

